

W.K. 8°

404



Serbski dom w Budyšinje

S Ľ O W J A N S K E R O Z H L A D Y
Č. 7. R J A D U J E W Ł O D Ź. Z M E Š K A L 1932

Józef Páta

Z KULTURNEHO ŽIWJENJA
ŁUŽISKICH SERBOW
PO SWĚTOWEJ WÓJNJE

Serbske wudaće

Ze 44 wobrazami

Panu

prof. O. Wicazovi

u přateľski oddanost

Praha 15/6. 32

jos. Páta

W B U D Y Š I N J E 1932

Koło serbskich spisowaćelow



WK 8^o 404

WILHELM KUNZE
IN

ALBERTUS SAVENIA
TO
SIBIRIA

Dr. O. Kunze
für die
S. 101



WILHELM KUNZE
für die

Swětłemu wopomnjeću

*lubeho přećela, swěrneho a njesebičneho
kulturneho džětaćerja serbskeho,*

prof. Jana Bryla,

*kiž je mje přeni za Serbstwo zahorił,
poswjjećuju.*

Józef Páta.

Faint, illegible text, possibly bleed-through from the reverse side of the page.

PŘEDSŁOWO.

Přitomna knižka je serbske předžěłane a dopjelnjene wudaće mojeje monografije »Z kulturního žiwota lužických Srbů po světové válce«, kotruž sym napisał do bratisławskeje rewuje »Bratislava« w l. 1929. Tuta monografija wuńdže tež we wosebitem woćišću w Praze 1929 a je hižo rozpredata. Dokelž podawaše nowe powěšće wo džensnišim narodnem a kulturnem žiwjenju lužiskich Serbow po swětowem přewróće a měješe wuznam tež za šěršu europsku zjawnosć, dopjelnich ju z wosebitym naćiskom serbskich stawiznow a z někotrymi podawkami do l. 1930; tak přihotowane džěło přewjedže Jan Skala do němskeje řeče z napisom: »Aus dem kulturellen Leben der Lausitzer Serben nach dem Weltkrieg«. Tuto wuńdže w Budyšinje w l. 1930 a namaka mjez němskimi čitarjemi dosć zajima a připóznaća. Wudebich jo z mnohimi wobrazkami serbskich spisowaćelow a wumjełcow. J. Skala přeloži moje džěło swědomiće, z wosebitym předśłowom k němskim čitarjam a z někotrymi samsnymi přispomnjenjemi.

Skónčnje podawam swoje džěło tež serbskim čitarjam z nadźiju, zo wubudźi zajim wšudžom, hdžež je hišće žiwy serbski duch, a zo posylni serbske narodne wědomjo, serbsku narodnu kulturu. Džakuju so wutrobnje serbskimaj přełožowarjomaj mojeho českeho džěła z l. 1929, kk. Česławej Lěscy a Pawołej Wićazej, wosebje pak knj. Wjacławej Serbej-Chejničanskemu, kotryž kedźbliwje přečita serbski přełožk, porjedźi jón a čitaše ze mnu tež korekturu cyłeho serbskeho wudaća, kotrehož dopjelnjenki, kaž tež nowe podawki hač do l. 1932 runje serbscy sam napisach. Wuprajam při tom tež wutrobnny džak kk. B. Šweli a O. Wićazej za někotre drobne pokiwy.

Prošu wšěch dobrych Serbow, zo bychu moju knižku přijali ze samsnej lubosću, z kajkejž bě napisana. Poručam ju wosebje młodym Serbam a Serbowkam jako nastork k dalšej narodnej, literarnej, wědomostnej a wumjełskej džěławosći w našich Serbach.

W słowjanskej Praze jutry 1932.

Józef Páta.

Serbske kulturne žiwjenje do swětowego přewróta.

Kulturne žiwjenje lužiskich Serbow hač do swětoweje wójny wuwijaše so tak, kak jenož móžeše so wuwijać cyłe narodne žiwjenje tohole najmjeńšeho słowjanskeho splaha, roztorženeho w rěči a wěrje, ničeneho w němskim morju z dwojej kwaklu: sakskej a pruskej, z kotrejuž wosebje pruska běše za hubna. A tola běše wěsty, měrny postup widzieć. Tak bórzy, kaž so w času reformacije snadne začatki lužisko-serbskeje literatury zjewichu, zamołwjachu so hižo Serbja k słowjanskej swójbje, štož nam najdokładnišo praji budestečanski farań *Michał Frencl* we swoim zapodaću na ruskeho carja Pětra Wulkeho, kotryž w léće 1697 po Němskej pučo- waše, a přidružowachu so ke kóždemu časowemu hibanju, pytajo w nim srědky k rozjasnjenju swó- jeho narodneho ducha a narodneho swojoraza. Tak zaběrachu so we woswěćeńskej dobje ze studijom serbskeje zańdženosće, ze studijom serbskeje rěče a prócowachu so wo wudawanje wotrjadneho a ludo- weho časopisa. A z tym hižo dachu cyłej roman- tiskej, wozrodźenskej generaciji dobry zakład, na kotremž serbscy budžerjo we stajnem zwisku z dru- himi Słowjanami z wuspěchom twarjachu: załožo-

wanje towařstwow z Maćicu Serbskej w Budyšinje na čole (1847), zarjadowanje koncertow, džiwadłow a zjawnych narodnych zhromadźiznow, wudawanje časopisow a přiběraca literarna džěławosć — wšitko běše z dobytkom tohole prócowanja. *J. A. Smoleř* a *Michał Hórnik* běštaj wjednikaj nowočasneho serbskeho narodneho žiwjenja, kotrež basnik *Handrij Zejleř* ze svojim ludowym spěwom přewođowaše. Młodoserbska generacija w 70-tych lětach zańdženého lětstotka, kotruž wjedžeštaj wědomostnik *Arnošt Muka* a basnik *Jakub Čišinski*, přehlada džěławosć stareje generacije, da jej móc zahorjeneje młodosće, wjetši rozhlad, a přiwjedže domjace pismowstwo na runicu bratrowskeho pismowstwa słowjanskeho a na wyšinu swětowu. Tutej generaciji, kotrejž so z Delnjeje Łužicy filolog *Bogumił Šwela* a basnik *Mato Kósyk* přizamknyštaj, poradzi so tež w Delnej Łužicy trochu posylnić narodne žiwjenje, wubudžene ze załoženjom Delnjołužiskeho wotrjada Maćicy Serbskeje w Khoćebuzu (1880), a narodne serbske žiwjenje docyła zawěsćić z wotewrjenjom swojeho samsneho Serbskeho domu w Budyšinje na prozy tohole lětstotka (1904).¹⁾

Dobye pozicije dale kruće hajachu sobustawy tuteje generacije, kotrejž na pomoc přindže nowa družina, zdžěla wjedžena z duchom Masarykowneho idejowneho realizma.²⁾ Na jeje čole běše kritiski publicista a wobdarjeny spisowaćel *Mikławš Andricki*. Njedźiwajcy toho, zo *Andricki* nahle zemře (1908) a zo bórzy po nim a přezahe bu wot suroweje khorosće hrabnjeny tež *Čišinski* (1909), pokazaštaj


¹⁾ Hladaj nadrobnišo: *Józef Páta*, Zawod do studija serbskeho pismowstwa, Budyšin 1929; — Wo započatkach delnjołužiskeje Maćicy, *Čas. Mać. Serb.* 1931.

²⁾ *Włodź. Zmeškal*, T. G. Masaryk a Łužicy Serbja, Budyšin 1931.

so nadobo dwaj nastupjerjej Čišinskeho w *Józefu Nowaku* a w *Janu Skali*, mjez tym zo wubjerne pjero Andrickeho přejimachu *Michał Nawka*, *Fr. Kral=Rachlowc* a *Jurij Deleńk*. A do tutoho nadziejepołneho wuwica, kotrež z wobdźiwanjom sledowachu druzy Słowjenjo, haj samo tež cuzy přeceljo Serbow, přińdže swětowa wójna.


Běše zajimawe wobkedźbować, kak so Serbja w tutom kritiskim času zadźeržachu. W Delnjej Łužicy, wot pruskeje namocy podtlóčenej, začuwachu swětowu wójnu jako smjertne dyrjenje. W Hornjej Łužicy nastupowachu wšitcy wojacy poslušnje k svojim połkam, nihdže ani słowčka kritiki abo přećiwjenja njebě słyšeć, ale či, kotřiž zwostachu doma, dźělachu pilnje dale. Znaty filolog a spisowaćel *Jurij Libš* napominaše samo Delnjolužičanow (w »Łužicy«, 1914, str. 14—15), zo njebychu so poddawali njeplódnjej rezignaciji, zo njeje kónc ze Serbstwom a zo Serbja nochcedža wotemrěć, nawopak, zo dyrbja za nich přińć lěpše časy. Njebojazne wustupjenje tohole wótčinca pokaza najlěpje psychologiski rozdźěl mjez duchom Delnjeje a Hornjeje Łužicy. A prof. *Arnošt Muka*, wutrajny Libšowy sobuwojowať wot časow młodoserbskeho hibanja, dźělaše pilnje na korekturach swojeho delnjoserbskeho słownika, kotrež z woprawnjenej bojoscju do dalokeho Pětrohroda sće leše, doniž přibjerace wójnske njewjedro jemu to dospołnje njeznjemóžni. W tutych ćežkich časach, w kotrychž stari mrějachu doma a młodži (mjez nimi tež J. Deleńk a Fr. Kral=Rachlowc) hinjachu na dalokich bitwiščach, nadeńdže basnik *Józef Nowak* w Bezručowych pěsnjach wosud swojeho naroda a w jich duchu napisa krasnu basnisku apoteozu budźićela *Arnošta Smolerja*, kotruž wočišća w beletristiskej »Łužicy« l. 1916, krótko před

Arnošt Muka




jeje zańdženjom, chcyjo tola zakhować wěru do
lěpšeho přichoda. A Józef Nowak džěše dale: z mocu
genia wožiwi stawizny dawneje, hišće samostat-
neje Łužicy we hrě »Posledni kral«, kotruž po
rukopisu studenća khrobliwje předwjedźechu na
prózdnińskej skhadźowancy hišće w lěće 1916, wo-
žiwjejo z tym w ludu wopomnjeće serbskeje zań-
dženosće a njedźiwajcy struchłeho raza hry zbu-
džejo nadźije na pohódny wobrot we wuwicu
swětowych podawkow. Z widžomnym rozpadom
němskeje mocy rosćechu tute nadźije, kotrymž
chcyštaj serbskaj zapóslancaj w sakskim sejmje
Arnošt Bart a Michał Kokla dać wěste formy we
wuprajenju serbskich narodnych žadanjow. Wo-
sebje *Arnošt Bart* kedźbliwje slědowaše běh po-
dawkow kaž doma w Němskej, tak tež w słowjan-

Adolf Černý



skim a dalším swěće, a stupi hnydom po přewróće na čolo serbskeho hibanja za samostatnosť.

Dotal njejsu napisane stawizny tutoho jimaceho serbskeho bědženja, na kotrehož započatku klinči nadžijepoľna proklamacija samostatneho serbskeho stata, podarmo wot Barta žadaneho na měrowej konferency w Parizu, a na kotrehož kóncu widzimy čichu hrozu naroda při Bartowem zajeću a zasudženju na twjerdžiznu dla krajneje přerady. Wot toho časa Serbja podarmo proša w Barlinje wo wusłyšenje svojich peticijow. Jeničcy w knižcy Bartoweho parizskeho towařša, *J. Bryla-Serbina*, čišćanej w Budyšinje w léće 1920 pod napismom: »*Serbske stawizny w zańdženosci a přitomnosti*«, nadeńdzemy přeni jednory wopis serbskeho hibanja, kajkehož dotal było njeje w serbskich sta



Arnošt Bart

wiznach nowišeje doby. Knižka sama je z dokla-
dom hornjołužiskeho optimizma, napřečo kotremuž
stoji na druhim polu delnjołužiski pesimizmus we
anonymnej brožurcy »Zur Wendenfrage« (Neu
Welzow 1919) wot B. Šwele, předwidžacy kritiscy
jasnje a, bohužel, tež prawje kónc serbskeho hibanja
za swobodu.³⁾

³⁾ Hewak su přislušne podawki zkrótka wopisane w Černeho
»Serbskim prašenju« (Lužická otázka, Plzeň 1918), w Pátowej
»Lužicy« (Praha 1919), h. serb. přeložk J. Wićaza 1920, d. serb.
přeložk M. Witkojc 1923, samsneho přednošku »Lužica a mě-
rowy kongres« (L. a mírový kongres, Praha 1920) a najno-
wišo w Kaprasowem přednošku »Lužica jako mjeńšina« (L.
jako menšina, Praha 1927).


Serbske pismowstwo po swětowej wójnje.

1. Časopisy a zběrki.

Zdobom z politiskim hibanjom po přewróće džěše w Łužicy wobnowjenje kulturneho žiwjenja. Předewšěm w pismowstwje. Dokelž serbske pismowstwo měješe wot dawna wuček w domjacych časopisach, je nuzne tež wo nich něšto naspomnić.

Z wotrjadnych časopisow je to *Časopis Maćicy Serbskeje*, kiž wot l. 1847 zjednočuje wšěch serbskich wědomostnikow a wotrjadnikow. Přinošuje hdys a hdys dokłady krasneho pismowstwa, kotrež wukhadžeja tež we wosebitych wočiščach; poslední lětnik 85. wuńdže l. 1932 pod red. *A. Muki*, kotryž přižadnje wjedže *Časopis* hižo wot l. 1894.


Jeničcy krasnemu pismowstwu je wěnowany měsacnik »*Łužica*«, kiž wot l. 1882 zjednočuje wšěch serbskich spisowacelow wot lužiskich hór hač do čmowych Blótow. »*Łužica*« njemóžeše so zdźeržeć we čěžkich wójnskich lětach a dyrbyeše w léće 1916 přestać wukhadžeć. Po přewróće wobnowi ju *A. Muka* zhromadnje z *J. Libšom* z hesłom: *K rozwiwanju serbskeho pismowstwa*. W l. 1922–25 wukhadžeše *Łužica* jako štwórcłětnik pod wjedženjom *Józ. Nowaka*, *J. Wjele*, *A. Muki* a *J. Bryla*.



Marko Smolef

Wot lěta 1926 wjedže ju (zaso jako měsacnik) z pomocu *J. Symanka* powołany redaktor, literarny a kulturny historik, spisowačel *Ota Wićaz*. »Łužica« podawa runočasnje dobry přehlad serbskeho pismowstwa a wěnuje dosć města serbskej literarneje a kulturnej historiji, kaž tež domowědže w dźensnišim zmysle. Hač dotal (1932) je wušło 46 lětnikow. W l. 1926–28 wukhadžeše při Łužicy wosebita přiłoha »Škowrončk ze serbskich honow«, kotruž je załožił a wjedł znaty serbski komponista *Bjarnat Krawc*. Tuta dobra hudźbna přiłoha dyrže bješe zańc, dokelž njeměješe dosć pjenježnych srědkow.

Z hornjoserbskich nowinow najstarše su *Serbske Nowiny*, kiž wot l. 1842 wob tydžeń rěčachu wo žiwjenju serbskeho ludu. Wot započatka l. 1920



wukhadžeja we wjetšim formaće a z powjetšenym wobsahom jako dženik, po móžnosći tež z časowymi wobrazkami. W redakciji Serbskich Nowinow pilnje hač do džensa džěła wot smjerće swojeho nana (1884) zaslužbny serbski nowinař *Marko Smoleř*. Wo hospodařskich naležnosćach hač do njedawna derje pisaše *A. Bart* a literarnu přiłohu (kaž tež korektury) zastarowaše *Jan Bryl*. Serbske Nowiny maja tež wosebite přiłohy, z kotrymiž derje słuža svojim čitarjam. Je to *Serbski Hospodař*, *Serbski Student* a *Serbske Nowiny za džěći* (wukhadžeja wot 1. 1931 město stareho *Raja*, kiž njezamohł wu dźeržeć namóc němskich časopisow za džěći). W 1. 1925 załoži so wosebita přiłoha »*Sokołske Listy*«, kotrež wot 2. lětnika wukhadžeja jako samostatny měsacnik pod dobrym wjedženjom *Michała Nawki*.

Pódlu wšonarodneho dženika »Serbske Nowiny« maja hornjołužiscy katolscy Serbja swój tydzenik, *Katolski Posoł*, wukhadzacy wot l. 1861. Přinošuje nimo nabožneho wobsaha a podawkow z narodneho žiwjenja tež pokazki ze serbskeje krasneje literatury. Wot noweho lěta 1932 wobohaći so Kat. Posoł z wosebitej měsacnej přilohu za katolsku młodzinu: *Naša młodosc*. Tež hornjołužiscy evangelscy Serbja maja swój nabožinski tydzenik *Pomhaj Bóh*. Pódlu njeho wukhadža měsacnik *Nowy Misiónski Posoł*.

Wšitke tute časopisy wukhadžeja w Budyšinje a su čišćane we dwěmaj serbskimaj čišćeńjomaj: Smolerjec a Donnerhakec. Po přewróće za čas woswobodžeńskeho hibanja w lětach 1919—21 wudawaše *J. Skala* w Běłej Wodze *Serbski Dženik* z hornjoserbskim a delnjoserbskim tekstom. Z kóncom serbskeho hibanja a tež druhich winow dla skónči so žiwjenje tutoho derje wjedzeneho serbskeho časopisa. A tak zańdže tež budyšinske Brylowe *Serbske Słowo*, w samsnem času wudawane z hornjoserbskim a němskim tekstom.

Delnjoserbske časopismowstwo ma džensa jenički tydzenik — *Serbski Casnik*, wjedzeny wot *Bj. Rochi* a *M. Witkojc*. Wukhadža hižo wot l. 1849 a bu po krótkej wójskej přestawcy wobnowjeny wot *Bog. Šwele* w l. 1916; wot l. 1923 bu kedźbliwje wjedzeny hač do l. 1931 jenož wot *M. Witkojc*. Čišći so tohorunja w Budyšinje (we Smolerjec knihičišćerni) a zasłuži najwjětšeho rozšěrjenja.

Serbske samostatne knižki wukhadzachu husto jako wosebite (dopjelnjene) wočišće ze serbskich časopisow. Tak z Časopisa Maćicy Serbskeje, Łužicy a Serbskich Nowinow nastawachu jenotliwe zešiwki dweju najstaršuju serbskeju zběrkow (knihownjow), wjedzeneju wot *A. Muki*:

Serbska dźiwadłowna zběrka, založena hromadže z basnikom J. Čišinskim 1879 a po přewróće pomjenowana na *Prěnju serbsku dźiwadłowu zběrku*, a *Serbska ludowa knihownja*, založena w l. 1901.

Z wosebitych wočišćow z Katolskeho Posoła nasta w l. 1914 *Deleńkowa Serbska Knihownja*, po přewróće tohorunja wobnowjena. Ze zhromadnym prócowanjom serbskich a čěskich spisowaćelow bu wobnowjene w léće 1921 bywše *Koło serbskich spisowaćelow* w Budyšinje (z wotnóžku w Praze), kotrež započa pod wjednistwom *Włodź. Zmeškala* wudawać dvě wuznamnej knihowni: *Dom a swět* (wot léta 1921) wosebje za originalne dźěła domjacych autorow a za dobre přeložki ze słowjanskich a swětowych literaturow, a *Słowjanske Rozhlady* (wot léta 1923) za wotrjadnje popularne knihi wo słowjanskim (tež serbskim) swěće a ze słowjanskeho swěta. Z tym bě so dopjelniła dawna žadosć domjacych spisowaćelow, kotrychž dźěła zwjetša zapadnychu w časopisach, doniž njenamachu někajkeho nadobneho mecenata abo doniž jich njewočišća Muka we swojimaj knihownjomaj abo doniž njewuńdžechu w »*Serbskej knihowni*« *Deleńkowej*. Tute knihownje buchu po přewróće rozmnožene ze *Serbskej dźiwadłowej zběrku Domowiny* (wot léta 1922), léto pozdžišo ze zběrku *Lutkowneho (Klankowneho) dźiwadła*, a ze zběrku *Hodownych hrow za dźěci*. Sokołska myslička přinjeje tež pospyt wo wudawanje wosebiteju sokołskeju zběrkow: *Sokołska knihownja* (1927) a *Sokołska dźiwadłowa zběrka* (1930). Wosebje pak zwjeselace je wudawanje dweju wažneju delnjołužiskeju knihownjow: *Serbska knihownja* pod wjedź. *B. Šwele* wot léta 1921 a zběrka delnjoserbskich dźiwadłowych hrow *Dołojcnoserbske dźiwadłowne*

Jan Skála



gry, wudawana wot l. 1922 wot A. Muki. Wu-
znamne je tež wudawanje protykow: ewangelskeho
Předženaka (red. O. Wićaz), katolskeho *Krajana* (J.
Cyž-Hajničanski) a delnjoserb. *Pratyje* (B. Šwela),
kotrež derje skutkuja na polu narodneje kultury.

Přiběrace narodne wědomjo mjez inteligencu a
žadosć za čitanjom w maćérnej rěči we zwisku
z hibanjom za swobodu zawěsćištej tutym wšëm
knihownjam dosahacu ličbu čitarjow, kotrychž
rjady drje so po času trochu zředčichu, ale wulki
džěl zwosta swěrnny. Ani powšitkowna knižna
kriza jim njezeškodži, štož je jasne znamjo, zo
literatura twori krute jadro džensnišeho kultur-
neho žiwjenja we Łužicy. Zamołwichu so stari
spisowaćeljo a wurosćechu spisowaćeljo nowi.

Józef Nowak



2. Serbske basnistwo.

Z wjednikom noweje basniskeje doby w Łužicy bu *Józef Nowak*, kotryž we swojich hrónčkach wołaše lud do boja za swobodu, rjadowaše jón do přezjeneho šika, kotryž měješe złamać puta wotročstwa a dać zmahować khorhoji swobody. Tak we wuraznej basni »*Postańće Serbja!*« wołaše:

Dzeń swobody swita,
Dzeń zrałego žita.

Za kosu, bratřa, za brónju hrańće,
Posyc swobody kłosy,
zrosćene z wložneje rosy,
z wašeje krowě a wašeho potu!

Złamajće kwakle, rozbijće puta,
zadajće namóc was šwikacoh' pruta!
Ćisńće tyranow do helskeho kuta!
Zničće znamjenja roboty,
Sćehujće khorhoj swobody!

Lisćiny wotročstwa spalće,
Ćišinskoh' zmužitoh' khwalće,
Spěwarja swobody serbskeje,
Škitarja Łužicy herbskeje!

Postańće, Serbja, do boja z spěchom,
Wotplaćće křiwdy wam činjene z hrěchom!

Młody basnik, rodzeny we Wotrowje w Hornjej Łužicy (1895), kotryž dokónčowaše studije w Prazy we pohnutej dobje před přewrótom, a derje wědžeše wo wutrobnem wobkedźbowanju Čechow w serbskim boju, wopisa we swojej hymniskej basni »Złota Praha« tež čěski wuznam w stawiznach Łužicy. Złota słowjanska Praha je za njeho swěćace slónčko, kotrež stajnje wohrěwaše a zakitowaše serbski narod, je za njeho źórło, z kotrehož kužoleše w kóždym času pomoc a tróšt serbskemu ludej, je jemu z krutym brjohom, při kotremž wukhowa so serbski čołmik w najwjetšej nuzy... A basnik skónčnje apostrofuje Prahu ze sćehowacymi słowami:

Město ty sławy a słowjanskoh' ducha a čuća!
Wuč pelikanow nas lubosć a wopornosć swjatu!
Pomhaj nam kamjenje powalec z černjojtoh' puća!
Wubudźej, spinaj Łužicow nadźiju spjatu!

Čěski lawje, o zaruj, zbudź spjacych ze sonow,
Zo so zatrasu wěže budyšske z mocu,
Wotući drěmacy byk zas khoceb'skich honow!
K swobodze zběhnje so Łužica z čekacej nocu.

*

Swobody znamjenja na murjach budyšskich wěja,
Khorhowje serbske w Khoćeb'zu zmahuja z juskom,
Swobody pěsnje wokoło Lubina spěja — — —
Zlamane kwakle Šprjewja wotnoša z kluskom.

Bohužel, njemóžeše česki law dopjelnić basni-
kowe přeće, a najzrudniše pak běše, zo jeho krasny
són wo swobodnej Łužicy wosta tež jenož
z basniskim sonom. Ale ze žadosću po swobodze
běchu napjelnjene wšitke jeho tehdyše basnje, ko-
trež basnik zhromadzi w Budyšinje we léće 1919
do swojeje přenjeje knižneje zběrki pod při-
hód-
nym napisom »Z duchom swobody«. Čitamy tu nic
jenož hrimotace słowa wołanja do boja, ale zdom
tež basniku historiju tysačletneho serbskeho čer-
penja (w basni »W bohej Łužicy« a w cyklu »W pu-
tach bědy«), dale čitamy tež pohonjace přikłady
w cyklu »Rjekowje«, hdžež pódla našeju wótčin-
cow J. A. Smolerja a M. Hórnik a steji tež česki
»Pětr Bjezruč«, idejowy wjednik a towaš basni-
kowy, ke kotremuž so wobroća Nowak z tutymi
słowami:

Słyšach we Łužicy twojich horow hnujacy płač,
Twojich skalnych hobrow dušinu zrudźbu,
Słyšach bolosće, hidy a nuzy hudźbu,
Kotruž ći we kraju spłodził twój surowy drač.
Słyšach twój płač:
Wo tysacach zněmčenyh,
Wo tysacach spólšćenyh,
Sto tysacach zněmčenyh.

Tež my běchmy tysacow tysacy,
Tež my džesać tysacow tysacy. —
Džesać pak tysacam zawdachu z jědom,
Sto pak nam tysacow morichu z přeradu,
Tysac nam tysacow rubichu z mjedom. —



Pawoł Krječmař

Njezby nas tysac tysacow.
Sto tysacow ličimy hišće wokoło Budyšina,
A wósomdžesać tysacow zby wokoł' Khoćebuza.

*

Pětrje Bjezručo, zrodženy ze skalnej' wutroby,
Spłodženy z mužskeje mocy a žónskeje bole,
Tež nam so do kraja njepřećel z namocu předoby,
Krew' su piłe tež naše hory a hole.
Naju narodow dónt je kowany z kowom
Samsnym, dołho smój stałoj před zahubnym rowom.

*

We wulkim jězoru płuwa čerwjena krew',
Jasna kaž mak.
Njewinowata to čista a blyščata krew'. —
Cuzych to džak!

Jan Lajnert



Krew ta je točena z křudami pukow,
Z mocy mozlojtych burowskich rukow,
Z česće knježniskich čěłow,
Z khrobłosće wótčinskich džěłow.

Rozlata z njeprawdu krew, ach, sy=li 'šće žiwa,
Njejsy=li na honach serbowskih dospoľnje zhníla,
Zahuć a znič nětko tu ješćeřsku drapu,
Kotraž je móc našu narodnu žadostnje piła!

Józef Nowak skónči swoju knižku z přełožkom wutrobneho basniskeho wuznaća »Łužicy« wot *Ant. Klášterskeho* a znateje *Preradovićoweje* basnje »Zora puca«. Wobě basni derje harmonowaštej, kaž z duchom basnikowym, tak tež z tehdyšimi poměrami.

Z cyłym swoim duchom a wašnjom je Nowak z njeposrědnym pokračowarjom Čišinskeho, wot kotrehož přewza horcu wótčinsku notu, jeho wótry běh mysličkow a předařski pathos, zminy pak so nadměrneho subjektivizma přenjeho serbskeho mištra poezije. Swoje hrónčka njeboješe so Nowak rozputać do spadnych wubuchow rozhorjeneje wutroby a w dramatiskich pospytach wostaji je docyła bjez nazynka. Z tym dostawaju jeho słowa móžnosć poľneho wuraza a skutkuja přeswědčacy tež tam, hdžež nadměrny pathos hrozy z nadutosću a brinči z nješkódnymi dźiwadłowymi brónjemi. Nowak je basnik nacionalny. Jenož druhdy tu a tam zaklinči pola njeho truna socialna, hewak je dospołnje zanurjeny do historiskich wosudow swojeho naroda, kotryž by tak rad swobodny widzał. W tutom duchu składaše swojeho »*Poslednjeho krala*« w ćežkich wójnskich dobach (1916), kotrehož je za čišć khětro předzěłał (Budyšin 1921) a w přezjenosći z dobu — wšitke nadźije na kajkežkuli wolóženje w Němskej běchu so hižo minyłe — zaspěwa tež prolog hry. Z nasylněj rewoluciju, ani ze zběžkařskimi brónjemi sebi Serbja swobody njedobudza, ale »z mječom ducha, z mječom dźěła a skutka...« Njedźiwajcy toho wostaji basnik rewolučny raz hrě »*Swobody njewjesta*«, kotraž bu napisana a předwjedžena za čas najwjetšeho woswobodžeńskeho hibanja w léce 1919, čišćana pak hakle w léce 1922. Nowakowy wobraz samostatnych Serbow něhdy w X. lětstotku, kotřiž pod wjednistwom khroběje knježny Wity swobodu sebi zakhowachu přećiwo němskim podtlóčowarjam, skutkowaše wěsće mócnje na wulku syłu přihladowarjow studentskeho předstajenja we času, hdyž so po cyłych Serbach na ludowych zhromadźiznach podpisowachu próstwy na měrowu konferencu za swobodnu Łužicu.

Po dołhim mjelčenju, wupjelnjenem jenož z jednorymi přiležnostnymi basnjemi, zamołwi so Nowak hakle w léće 1928 z wótčinskej hru »Lubin a Sprewja«, napisanej za wšotowařstwowski zlět w Budestecach. Tuta swjedžeńska hra, pokazowaca za wašnjom antiskich hrow — we swobodnej přirodže a we khórowych spēwach — ćežki wo sud podtlóčeneho luda, kotryž namołwja k wutrajnemu džětu za lěpši přichod, je runje tak kaž wobě naspomnjenej hrě wjacy episka hač dramatiska.

Starši Nowakowy towařš, Njebjelčan *Jan Skala* (rodź. 1889), kotryž so zjewi na serbskim Parnasu tež po smjerći Čišinskeho, načahny drje tež truny wótčinske, tola zjednočowaše je z notu socialnej a narodno-wukubłańskej, a nad to z dowěrnej notu lubosćinskej, kajkaž njezaklinča we Łužicy wot časow přezahe zemrěteho Michała Bjedricha-Wjelemera a kotraž jenož cunje klinčeše w Čišinskeho zběrcy »Přiroda a wutroba«, wužórlenej we času lubosćinskeho zahorjenja basnika — dwórskeho předarja w Drježdžanach k dwórskej spēwaŕcy, Pražancy Tereziji Sákowej. Basnje wot léta 1910 we wšelakich serbskich časopisach wočišćane a někotre nowe zhromadži Skala do knižki »*Srjódki*« (Budyšin 1920).

Basnik Skala ze swojim duchom a hrónčkom so tohorunja přiznawa k Čišinskemu. Pódlu započinaŕskich pospytow čitamy w jeho zběrcy cyły rjad bjezposrědnych, skutkowacych basnjow, při kotrychž wodawamy basnikej njeleposć při nałožowanju ródneho jazyka, kotryž drje jara mało we cuzej němskej srjedźiznje wužiwać móžeše. Pódlu přiležnostnych basnjow, wěnowanych Fr. Kralej-Rachlowcej, A. Bartej a prezidentej Masarykej, čitamy tu prošacy wukřik wo pomoc k »Južno-



Marjana
Domaškojc

słowjanam«, kotryž w knižcy wosta njewobkedźbowany, tola pak zbudzi wulku kedźbność a zdobom mjerzanje mjez Němcami, jako zaklinča w lěće 1927 na sławnem wječoru w auli běłohrodskeje uniwersity. Dale čitamy tu Skalowy postrow k załoženju serbskeho Sokoła w lěće 1920, k tomu něšto hrónčkow z wótrej tendencu přećiwo liwkim Serbam, přećiwo wotrodźencam a přeradnikam, a na kóncu knižki nadeńdzemy hišće kwěćel intimnych basnjow, w kotrychž je basnik doma.

Basniska wšelakosć přenjeje Skaloweje zběrki nasta zawěsće z toho, zo bě basnik do njeje zarjadował bjez kajkehožkuliž jednotneho a kritiskeho idejoweho hladanišća wšitke swoje starše, kaž tež najnowše basnje, dopokazy pytanja pućow, kotrymž skónčnje přizamkny přełožki *Sládkovičoweje*

Mina Witkojc



»Swobody«, *Vrchlickeho* »Pěsnje« a *Babánkoweje* dundakowskeje pěsnički »Du, njewěm hdže . . .« Wšě tři přeložki derje přistejachu k njeměrnemu duchej Skalowemu, k jeho lubosći k pěsni, a zdo-
bom tež k runočasnym podawiznam w Łužicy.

Basnik Skala namaka sam sebje w intimnej ero-
ticy, kotruž wuspěwa w jednotnje zhłosowanej
knižcy hrónčkow »Škrě« (Budyšin 1923), nastatej
»z lubosće khwilow«, z lubosće k maćeri a lubcy.
Wumjełscy krasna je zawodna baseń »Mojej ma-
ćeri«, w kotrejž je z mocu basniskeje fikcije zwěč-
njena basnikowa mać ze swojej wulkej lubosću a
starosću, z cyłym wohrěwacym kuzłom swójbneje
srjedźizny, ze swojej mjehkej słowjanskej dušu,
połnej poezije, kotraž je so tež do duše basniko-
weje přelała :

Sy serbska była žona, maćeř dobroćiwa,
a mnoho hóřkosćow sy we žiwjenju měła,
zo skoro wšo bě bolosćiwa nuza.

Tuž njech ći na puć k wotpočnjenju směwa
so džowčićka, kiž sy ty we mni porodźiła,
džěl twojej' duše: moja serbska muza.

Tak skónči basnik prolog njewulkeje, spodobnje
wuhotowaneje zběrki, kotrejež dalši wobsah je
wulki spěw lubosće:

Što klinči z hłubin duše mi
z mjehkeho złota spěwami
a što mje ćeri do juskanja
ze wšěmi w honach ptačkami?

To klinči mi kaž pišćel spěw,
zo sym će, holčo, rady měł,
zo sym će z horcym ertom košił
a po zahonach z Tobu jěł!

Lubosć zaja basnika k lubowanej knježničcy, za
kotrež zdychuje a žadosći, na nju w cuzbje spo-
mina. Njeje to cuzbnica, ně, ale luba a něžna
Serbowka, na kotruž styskniwje spomina:

Sym zaso sam... Ta hodžinka so miny,
hdyž z tobu klečach w zakčewacej holi,
a čekny ptačk, kiž w khójnach zafifoli.
Tak nahle přińdže mróz... a lubosć zhiny.

Lubosć, to je najwjetše zbožo a dar žiwjenja:


Hdyž wšoho maš dosć,
Wjesela, horja a bědy,
Měra a pokoja njeznaješ wodnjo a w nocy
A lědy

Wutroby hłosy ći zahraja spěw:

Wotřas wšu hrózbu a hněw!
Khwataj na lubosće swjećene hona,
Hdžež twoja muza će čaka.
Hdyž twoja wutroba płaka:
Na swěće něhdže je žiwa ta žona,
Kiž by ći wotrěła hněw
Z wočow
A zahrała spěw
Lubosće čisteje, słódkej' a rjanej' kaž něhdy,
Hdyž žiwjenje prózdne bě
Horja a hněwa a bědy...

Skalu, wot powołanja nowinarja, přiwjedže serbske politiske hibanje po přewróće do Budyšina, hdžež so prócowaše ze svojim wótrym pjerom pomhać serbskej wěcy. Nimo toho pokazowaše w programowych rozważowanjach »*Wo serbskich prašenjach*« (1922) směrnicy a organizaciju noweho džěła w Serbach. Po podarmem prócowanju doma wotsali so do Barlina, hdžež w redakciji mjeńšino- noweho časopisa »*Kulturwehr*« (wot lěta 1925) haji prawa njeněmskich narodnosćow w Němskej a při tom wězo tež prawa Serbow. W lěće 1929 wuda zhromadnje z danskim mjeńšinowym politikom J. Bogenseem knižku »*Die nationalen Minderheiten im Deutschen Reich und ihre rechtliche Situation*« (Barlin 1929). W dalokej cuzbje, w politiskim boju a w žiwjeńskich starosćach njeje khwile na basnjenje. Lěra je wotpołożena a basniko- wym džěćom do jich hrajkanja klinča jenož němske zynki — —


Za to pak so nadobo nowy basnik z pruskeje hole zamołwi. *Jan Lajnert*, rodženy w Rakecach (1892), jako wučer w hornjołužiskej holi wutrobnje



Mikławš
Bjedrich
Radlubin

sej zalubowa tutu khudu, zasonjenu stronu, we kotrejž čuješe wjele podobnosće ze svojim samsnym zrudnym žiwjeńskim dóntom. Khětro pozdže, hakle po 30 lětach swojeho žiwjenja, započa swoje začišće z holanskeje přirody basniscy rysować, zjednoćujo je z wosudom swojeho naroda a ze svojim samsnym wosudom. Jeho zběrka »*Wyskow sapy — sylzow kapy*« (Budyšin 1928) pokazuje jeho jako wobdarjeneho lyrika, zawodžaceho do literatury nowy słownik njeznatych holanskich słowow a zdobom tež nowy słownik słowow wumjełscy tworjenych, maličkostnych pomjeńšeńkow, kotrež druhdy swojoraznje klinča, runje kaž někotre jeho hrónčka. W rjedže basnjow, kotrež su po tendenčnem wótčinskim prologu »*Našim njepräčelam*« nawite w třoch kwěćelach: *Wótčina, Lubosć, Wo-*

Mato Kósyk



sud, nadeńdzemy basnje, skutkowace z bjezpo-
srědnej wutrobnosću. To je wosebje tam, hdžež
rěči hola, jeje duch a přiroda, a tam, hdžež basnik
wotkrywa swoje styskniwe nutriny:

Zbóžnosćiwa samotnosć
na slónčnej
bjezkónčnej
róžojtej holinje,
wrjosowej płoninje ...
Złota mi duše domotnosć!

Tak započina basnik swoju khwalbu holanskeho
wrjósnišća, hdžež je jeho »domizna...«, hdžež
»druheho swěta zwony klinča«, hdžež

kubołćiki čakaja,
šibałe łakaja;
pisankojte jich pohončki
w sypolinje třepotaja,
w rjapotatej lišawcy šepotaja ...
Pod płonom hudža škowrončki ...

A basnik spěwa w zahorjenju:

Srěbam borowicy lučlanu wón,
njbjesnoh' pokoja mědnu rón.
Piju
móc slónca, Wětrona, Dźiwicy,
wiselność žiwicy
do čěła liju:
w dźiwnomócněj samoće
we wrjósne mješkim somoće!

Runje tak hymniska je »*Nóc we wrjosu*« a tež někotre spěwy napjelnjene z ludowej tradiciju wo kuzłojtych bytosćach w přirodže, spěwy, kotrež so z přijomnym melodiskim spadom wuznamje njeja. W duchu narodnych pěśničkow plěja lubosćinske hrónčka wo najrjeńšej róži, wo mejskej reji, wo žarliwosći, hrónčka, spokojace so často z hołej asonanciju, tak kaž so wužórlichu z basnikoweje wutroby, ćežko zranjeneje. Su tu słowa hófkeho byronskeho žarowanja nad zachodnosću wšoho zeńskeho (*Mój wosud*), kotrež so bliža hač k zadwělowanju (*We zadwělowanju*) a tola hišće nowa nadźija (*Njezhuš nadźiju*) spokoja a poskića duši měrnju rezignaciju (*Pjeř, wosudo!*).

Pódlu Lajnerta wustupichu někotři młodži basnjerjo, kotřiž steja hač dotal pod wliwom připóznateje poezije Zejlerjoweje a Čišinskeho. Je to *Pawoł Wićaz* z Khróscic (1901) z drobnymi ten-

denčnymi wótčinskimi hrónčkami a wosebje *Pawoł Krječmar* z Budyšina (1898) z mnohimi basničkami, kaž z wótčinskimi, tak tež ze subjektivnym rozpołożenjom, kotrež wočišćuje we »Łužicy« a w Serbskich Nowinach a z kotrychž nawjaza basniski kwěćel pod mjenom: »*Raj mysłow, sonow z łužiskich honow*« (Budyšin 1929). Słódnje wuhotowanu Krječmarjowu knižku zawjedže hudźbny składaćel *Bjarnat Krawc* z wutrobnym předśłowom a moleť *Měrcin Nowak* wudebi ju z někotrymi wuraznymi drjeworězami.

Swojoraznosť originalneho basnjerja-filosofa a wukublarja z předwójnskich časow zakhowa sej žortniwy humorista, ironik a satirik wótneho pjera a ryzy serbskeho słowa, wučer *Michał Nawka*, kotryž dokonja basnić runje tak inteligency kaž tež ludej (w zběrce »*Kwasne přednoški wšelakich spisowacelow*«, Budyšin 1923, »*Kwasne basnje a někotre druhe*« 1929) a wosebje džěćom (we wubjer-
nem abejceju »*Na wsy — za wsu*«, 1925, a w knižcy »*Džěćatka hladajće, kajke tu rjanosće*«, 1928; wobě z wobrazkami molerja *M. Nowaka*.)

W Delnjej Łužicy zamołwi so *Mato Kósyk*, to rěka, staruški basnik so hišće přizjewi ze swojeje amerikanskeje farmy z drobnymi tendenčnymi basnjemi, z doběrkom, z kotrymž strowješe swoich krajanow we domiznje. B. Šwela přećišća znowa Kósykowu radženu episku baseń wo přeradnem Geru (*Pšerada markgrofy Gera*, 1924) jako přeni zwjazk zhromadženych spisow basnikowych, kotrychž třeći a štwórty zwjazk — mjeńše basnje — Šwela tež za ćišć přihotowa. Přeni džěl »*Pěsne*« wuńdže ze zawodnym słowom *B. Šwele* a z někotrymi pjerowymi rysowankami delnjołužiskeho molerja *Fryca Latka* w l. 1929 a druhi džěl, toho-
runja z Latkowymi rysowankami a z přispomnje-




Jakub
Lorenc-Zalěski

njemi w lěće 1930. Dostawamy tak skónčnje do-
społne wudaće basniskeho džěła Kósykoweho a
zdobom móžnosć zwěšćić, što z nětčišich basnjow,
wozjewjanych we »Łužicy«, we »Serbskim Cas-
niku« a skónčnje samo w »Časopisu Maćicy Serb-
skeje« (1927) je woprawdže nowe. Tež *Fryco*
Rocha, wot l. 1931 hłowny redaktor Serbskeho
Casnika, wróći so k swojej literarnej džěławosći
a piše składnostne hrónčka k lěpšemu ródneje
Łužicy.

Ale nowe narodne hibanje zbudzi tež w Delnej
Łužicy tworjaceho basniskeho ducha. Je to ba-
snjeřka *Mina Witkojc*, rodźena w Bórkowach (1893),
kotraž bu z rěčnicu podtłóčowaneho delnjołužis-
keho luda w Pruskej. Z wutrajnej pilnosću běše

Marja Kubašec



sebi bórzy přiswojiła pobrachowace zdžěłanje, z někotrymi pućowanjami po Čěskosłowakskej a Južnosłowjanskej nasrěba so słowjanskeho ducha, spózna žiwjenje swobodnych słowjanskich bratrow a zahori so zdobom ze žadosću za wuswobodženjom swojeho naroda. Z rozsudnosću přewza redakciju wobnowjeneho »Serbskeho Casnika«, zo by z nim zbudžala narodne wědomjo svojich krajanow, zo by škitala najdróžši pokład swojeho luda a kraja — jeho słowjanski swojoraz. Sonjaca džowka wobkuzłacych Błótow započa spēwać wo jich krasnosćach, a zdobom spēwaše wo bědže swojeho naroda tak, kaž w Hornjej Łužicy Józef Nowak. Tola njehrimoce z rewolučnymi namołwami, ale ze žónskej podwólnošću prosy wo pomoc, wo zakhowanje:

Ach, narod naš, ty luby, drogi,
za tebe hyšći pšosymy,
gaž južo nišernosći břogi
nas dawno žele wót tudy.

Tak prosy w zawodnej basni »Serbski narod«
w zběrce »Dolnoserbske basně« (1925, 2. wud. 1931)
a dale w basni *Cowańe wobroća so runje na swój
lud, kotryž zbudźuje k nowemu žiwjenju:*

Nět wócuš, ty lud lubowany,
a něpušć, což Bog jo ší dał!
Nět wócuš a glědaj, kak słyńcko
pódzajtša juž górej jo šło
a swěsece złošane pšugi
do kraja ší roznašło jo!

Jimajcy skutkuje próstwa basnječyna w basni
»Zaklinc nam«, zo by so znowa rozklinčał serbski
spěw, zo by z mocu nalětneho wichora zanjesł do
ródneje zemje nowe žiwjenje:

Zaklinc nam wót nowa, serbski naš spiw,
kenž južo drěmaš we sćerbach!
Hucyń ten wěliki Bóży nam žiw:
Žyweńe zbuž zas we Serbach!

Pšiz ty kaž wichor we nalětu k nam,
tergaj, což hutšobu huspina nam,
stare to lodnišćo łamaj!
Wjasole do nogo zabuchaj,
do styrich rogow jo zrozduwaj,
z nalětnej' mócu jo stamaj!

Pódla wótčinskich basnjow čitamy w dalšim wot-
džělu zběrki kwěćel cunjeje lyriki (*Z našeje do-
mowńe*), napjelnjeneje z wónju ródnych Blótow,
z drobnymi wobkedźbowanjami basnječyneje wo-

koliny a z jeje znutřkownymi začučemi. Je to wosebje melancholiska nota, njeskónčna melodija žarowanja, měšana z ćichimi nadźijemi a z wosobinskimi dopomnjeńkami na zbožowne wokomiki a sony žiwjeńske (*Spominańa a cowańa*), z kotrychž někotre su z woprawdźitymi perlemi. Na př. baseń »*We śichej nocy...*«


We śichej nocy duša wócuši
a z póžedaním zwiga swóje kśidła,
co pšebywaš we swójej domowni,
kenž z daloka we kšasności jej kiwa.

A jo-lic hokognuše hotšěsła
tu tužnu šěžu, ak ju k zemi spina,
a pšugu tamneg' swětła wizela,
se cuza zda jej zeńska domowina.

Tež Mina Witkojc zakónči swoju přenju zběrku basnjow z přeložkom někotrych basnjow *Rokytowych*, *Peliškoweho* wurazneho spěwa »*Łužiskim Serbam*« (Česko-łuž. Wěstnik 1922), *Meškoweho* južnosłowjanskeho postrowa (w samsnem Wěstniku 1922), ruskeje pěsnje a naposledku *Ćišinskeho* soneta »*Słowjanam*«, z kotrymž poetka přihódnje na kóncu wupraja prošace wołanje wo pomoc najhórje wohroženej Delnjej Łužicy.

Nimo toho wustupi Mina Witkojc zhromadnje z druhimi delnjołužiskimi basnjerjemi we »*Wěšnašku basni našych dolnoserbских pěšnařow a pěšnařkow*« w Časopisu Maćicy Serbskeje 1. 1927. Tu pódla staršich *Kósykowych* a *Rochowych* pěsnjow, kaž tež pódla ludowych składanjow *Marijany Domaškojc-Cazojskeje* a wótčinskich basnjow *Wěslawa Serba-Chejnicańskeho* najlěpje so pokaza jeje swojorazna nota, horco wótčinska a poľna dowěrneho čuća. Je z njeje widjeć dželowny wliw

Matej Urban



Ćišinskeho, kotrehož dźěła je delnjoserbska basnjeŕka ze zrozymjenjom přečitała a kotrehož w drobnych pokazkach hdys a hdys přełožuje. Swoju spisowaćelsku wobdarjenosć pokaza Mina Witkojc tež w mjeńšich prozaiskich naćiskach, čerpanych tohorunja z domjaceje wokolnosće, kotrež su prawom woprawdźite basnje w prozy. Tajka poetiska składba, předychnjena z bajkojnym kuzłom Błótow, je na př. přenička »Našo błoto«, we »Česko-serbskim Wěstniku« 1923.

3. Serbska proza (powědańčka).

W prozy w tutom nowem času namakamy zwjetša drobne powědańčka za lud, z widzomnej wukublańskej tendencu, kotrež pisachu mjez star-

Romuald
Domaška



šimi spisowaćelemi humorista *Mikławš Bjedrich Radlubin* (1859—1930), kotryž wě putać přede-
wšëm z wopisowanjom serbskeho ludoweho ži-
wjenja, kaž tež ze swojimi satyriskimi šwikami
na narodne njedostatki a ze swojej žiwej, běžnej
řeču. Přeli bychmy sej, zo bychu so jeho džěła,
dotal we wšěch móžnych časopisach rozbrojene,
zhromadźile; dotal je wušoł jenož mały wubjerk
z »Katolskeho Pósla« we dwěmaj zwjazkomaj w lěće
1914. Wubjerny znajeť serbskeje řeče *Jurij Libš*
(1857—1927) wuda dwaj ćeńkej zwjazkaj feuleto-
nistiskich rysowankow »Štyri powědańčka za serbski
lud« (1920) a »Powědańčka za serbski lud,« druhi
rjad (1921). Zo by njedostatkej dobreho ludo-
weho čitanja wotpomhał, přihotowa Libš do čišća
Wingerjowe wobljubjene powědańčko »Hronow«


(1922), w kotremž su putawje a wumjełscy wopi-
sane wosudy hronowskich Serbow w času třiceći-
lětneje wójny. W předśłowje z prawom wobžaruje
Libš zažnu smjerć Jurja Wingerja, wobdarjeneho
spisowaćela a tworjerja hornjoserbskeje prozy, kotryž
z cyłym svojim kharakterom a duchom na čes-
keho Třebízského a pólskeho Sienkiewicza do-
pomina.⁴⁾ Tak bu přečišćane tež starše powě-
dańčko *J. B. Mučinka »Zasowidženje«* w Serbskich
Nowinach w léće 1922. Tam tež bu přečišćana
w léće 1924 w čisłach 156—184 prozaiska pře-
nička basnika *J. Čišinskeho* — roman »*Naro-
dowc a wotrodženc*«, kotraž bu k přenjemu razej
wudata w Lipje Serbskej léta 1878.

K literaturje wróci so po dołhim přebywanju
w cuzbje *Jakub Lorenc-Zalěski*, rodzeny w Radwo-
rju (1874), kotrehož drobne wopisy přirody wabja-
chu kedźbnosć čitarjow »*Łužicy*« hižo w 90-tych
lětach zańdženeho lětstotka. Tehdy započa Lorenc-
Zalěski tež wočišćować wjetše historiske powě-
dańčko »*Serbscy rjekowje*« (Łužica 1900), kotrehož
wšak njedokónči. Hakle po swětowem přewróće,
hdyž wopušći cuzu hajnisku službu w Porynskej
a sej w Slepom rězak kupi, dokónči tuto roman-
tiske džěło, pokazowace we swětle dawneje zańdže-
nosće džensnišim krajanam ideal praweho serbskeho
rjeka, wojowarja za swobodu wótciny. Tutón no-
welistiski naćisk, kotryž w knižcy 1922 wuńdže,
mjenowany — kaž myslu — z njeprawom přeni
serbski roman, bu přijaty wot domjaceje kritiki kaž
tež wot čitarjow jara přikhlilnje. W knižcy spodo-
bachu so wosebje wubjerne wobrazy z přirody,
we kotrychž rysowanju je dobry serbski prozaik

⁴⁾ *W. Taszycki*, Sienkiewicz w piśmienictwie łužyckim,
Kraków 1931.

z woprawdźitym mištrom. Tajke wobrazy namakamy tež w dalšim Lorencowem dźěle »Kifko« (Łužica 1926/27 a 1927/28, jako kniha hač dotal njewudate), kotrež wopisuje na romantiske wašnje fantastiske podeńdženja zhubjenych wobydlerjow serbskeje hole. Nowe dźěło Lorencowe »Kupa zabytych«, roman serbskeje pytaceje duše (1931) je džen z džensnišeho žiwjenja Łužiskich Serbow čěrpane, ale spisane we formje psychologiskeho dženika, połneho fantazijow a njemóžnych podeńdženjow. Přeli bychmy sej, zo by basnik J. Lorenc-Zalěski, kiž mišrowscy wobknježa serbsku rěč a ma dar plastiskeho molowanja, nam podať jónu realny wobraz džensnišeho serbskeho žiwjenja.

Romantiske je tež powědańčko »Wusadny« (1925) wot Marje Kubašec, rodzeneje w Khasowje (1891). Znaty namjet z Hartmannoweho Wboheho Hendricha je tu wobdžělany na wosebite wašnje: serbski młodženc, wotrodženc, hakle w času njewulěčomneje khorosće wróci so k swojemu narodej, jako nošeř nakaza hidženy wot wjesnjanow z wuwzaćom sobučućiweje khudeje pastyrškeje džowčički, stawa so w času epidemije z podwólnym samaritanom a z rowarjom potrjechenych, z čimž swoju winu wotpokući. Powědańčko skutkuje nimoměry hnujacy a njeđiwajcy swojeje wurjadnosće tež woprawdźiće. Runje tak zbožownje je Marja Kubašec napisala swój dramatiski pospyt »Khodojta« (1926), zepjeracy so na srjedźnowěkowe ludowe přiwěrki. Hra w třoch jednanjach ze svojim bajkowym razom njeđiwajcy brinčenja katoweho mječa a sapotanja wohnja njeskutkuje strachoćiwje a najebać dramatiskeje lubosćinskeje zapletki mjez »khodojtu« Bělušu a zlej Katu je skerje episka kompozicija, přepłěcena samo z někotrymi žiwšimi lyriskimi basnjemi Čišin-




skeho.⁵⁾ Marja Kubašec dopokaza ze swojimi dźě-
łami, zo njeje podarmo studowała domjacu a
čěsku literaturu, z kotrejež hižo w lěće 1920
zdobnje přełoži Šubrtoweho »Jana Výravu« (Ja-
nota Wićaz, k přenjemu razej přewjedžene w mě-
šćanskim dźiwadle w Budyšinje l. 1920 jako
přenja serbska hra w tutom dźiwadle docyła,
w knižcy hakle l. 1923). Marja Kubašec napisa jako
wučerka tež někotre hry za młodžinu, z kotrychž
su wosebje hry wo palčikach woblubjene: *Palči-
kojo w krawcowni. — Palčikojo=kowarjo. — Rum-
podich* (1923).

Z wulkim zajimom přijachu so w Serbach
prozaiske składby *Ilsanowe*, to rěka *P. Romualda*

⁵⁾ Přirunaj tež O. Wićaz, Marja Kubašec a jejnej basni,
Łužica 41, 1926, str.14.

Jakub Nowak
Horjanski



Domaški, rodženeho w Koslowje (1869). Jeho džěła, čišćane we »Łužicy«: *Pilatusowy jězor* (1926–27), *Le chevalier de Saxe* (1928), *W bohec mosty* (1929) a *Pokładopytař* (1930 a 1931), wuznamjenjeja so z plastiskej a rjanej rěču, z putawym a zajimawym činom, z hłubokim znaćom serbskeho kraja a serbskeho luda, serbskeho ducha a serbskeje wutroby. Wosebje z njesćerpnosću čitarjo Serbskich Nowinow čakachu na pokračowanje kulturno-historiskeho romana *Khodojty* (1926) z kónca 16. a započatka 17. lětstotka a na pokračowanje powědańčka *Napoleon a serbski wojak* (1931), čěrpaneho ze swójbneje kroniki spisaćelowjeje. Napoleonska doba je tu wuraznje wožiwjena a skutkuje mócnje na serbskeho čitarja. Domaška je dobry powědař, znaje swój lud, pozběha jón k narodnemu wědomju, a


při tom wě wokřewić svojich čitarjow z drobnymi wjesołymi epizodami, kaž to derje znaja tež čitarjo protyki »Krajan«. We wosebitej knižcy wuńdžeštej hač dotal jenož dwě powědańcy: *Pokładopytař*. — *Le chevalier de Saxe* (z předśłowom Józ. Páty, 1931).

Hewak wuńdže cyły rjad wšelakorych nastawkow, powědańčkow a nowelow w serbskich časopisach a w rewuji »Łužica«, kotrež maju domjacym čitarjam narunać njedostatk samostatnje wudawaných knihow. Su to na přikład drobne »*Wobrazy ze wsy*« wot J. Słodeńka, wočišćane w Serbskich Nowinach, tam tež lične powědańčka ze serbskeho wjesneho žiwjenja, zwjetša z tendencu narodnowukubłańskej (na př. P. Domaša »*Wostań w kraju*« 1923), tu a tam z historiskimi namjetami (*Mb. »Khěžor Wjacław w Budyšinje*« 1922), wšelake humoristiske naćiski (J. Bryla »*Jědźechmy do swěta pohladać a ćetu wopytać*« 1927) atd. Z wosebitymi romantiskimi namjetami we wótčinskim duchu zbudźi kedźbnosć *Wohnjoš*, to rěka moleř *Měrcin Nowak*, kotryž zdobom pod prawym mjenom rysuje drobne realistiske wobrazki ze serbskich wsow, wuznamjenjace so ze žiwym składom, čerstwym spadom a husto tež z wótrym humorom a žortom. *Wulke* nadźije bě zbudźiła socialna nowela redaktora a basnika *Jana Skale* »*Stary Šymko*« w Serb. Nowinach 1924, pokazka z přiřadowaneje knižki »*Na wuhlowych jamach*«, čerpaneje ze žiwjenja serbskich hórnikow z brunicownje mjez *Wojerecami* a *Złym Komorowom*. K jeje wudaću pak dotal njeje došlo. W Delnjej Lužicy nje wuńdže nimo skromnych prozowych naćiskow *Miny Witkojc* ničo samostatneho noweho. Zo by pak lud tola něšto čitał, přećišća *B. Šwela* stare ludowe powědańčko *H. Jordana* »*Bogumił abo biblija humožo wót směrši*« (*Khoćebuz* 1922).

4. Serbske dźiwadło.


W *dramatiskej literaturje* pódla hižo spomnje-
nych dźěłow *Józ. Nowaka* a *M. Kubašec*, kotrež
so wšitke na domjacej pódze wotměwaja, zaběra
wosebite njezwučene městno pospyt *Jurja Słodeńka*,
pjećjednanjowe drama »*Napoleon*«. Znaty serbski
publicista, komponista a dirigent (rodź. w Pančicach
1873), prócowaše so tu dopokazać z někotrymi
spadnymi scenami, zo njebu wulki *Napoleon* pře-
winjeny wot njeprěcelow, ale wot *Wosuda*. Hra
sama na sebi žada wulku scenu a dobrych hra-
jerjow, štož hač dotal w Serbach pobrachuje. Z tym
tež so zadźeržuje spěšniše wuwice domjaceje drama-
tiskeje literatury, wobmjezowaneje jeničcy na impro-
wizowanu diletantsku scenu, kotrejž najlěpje howja
starše a nowiše nabožinske hry *J. Nowaka-Horjan-
skeho*, wšelake hry za lud, kotrež składa a za serbske
jewišćo připrawja *Mikławš Hajna* (na př. struchło-
hrě »*Genofeva*«, 1921, a »*Swjata Katrna*«, 1922,
abo tež žortnej hrě »*Hdyž Kocor kamor čazaše*«,
1921, »*Petrolejowy kužoł*«, 1922, a dr.), dale sam-
sneho wašnja hrě *Felixa Hajny* (bibliska hra *Kra-
lowna Esther*, 1924, wjeselohra *Njezacpěj swjeho
bratra!* 1931), tež wšelake žortniwe wustupy
samsneho autora; dale někotre žortniwe hry (*M.
Justa* »*Nanowy zwjeršnik*«, 1922, *J. Wjacławka*
»*Wón njesmě pućować*«, 1922), nimo toho histo-
riske hry ze starym ryčeřskim perzonalom a apar-
tom (*J. Handrika* »*Móc wěry abo rubježnicy na
horje Marianski Khołm*«, 1923, starše dźěło *Rach-
lowcowe* »*Hnadowne swjećo w lěsu*«, 1922), wšitko
hry, kiž nježadaja žanoho wumjełskeho wobdźe-
łanja, zabywši hakle hódnošćenja. Najebać toho
su tute hry w Hornjej Łužicy jara woblubjene;
nimo toho so někotre hry znowa přečišćuja (kaž

Jan Bryl



Wingerjowa činohra »*Na wumjeńku*«, *Fiedlerjowa* jenoaktowka »*Kak Pětr lěkari*«, wobě 1922, a dr.). Z poslednich přenjojnych serbskich hrow najwažniša je historiska činohra *Kubščanowa* (wučeř *Jurij Wjela* z Kubšic, rodź. 1892) »*Knjez a roboćan*« (1931), čerpana ze zrudneje serbskeje zańdženosće, z časow roboty a kwakle, hač do džensa, bohužel, trajaceje. Spisowaćel w njebojaznem młyńku Janu pokazuje swojemu luděj typ praweho a sprawneho Serba, kiž njecha być z wotročkom cuzemu knjezej=Němcej. Tuta hra, wumjełscy a dramatisicy derje džěłana, bu z wulkim wuspěchom přewjedžena w Bukecach a w Łazku (we swobodnej přirodže) l. 1931. Z džěćacymi hrami »*Prěnja hodownička*« wot *M. Nawki* a »*Slepy Benjamin*« wot *P. Romualda Domaški* w lěće 1927 (po němskim) bu tež za džěći

Jurij Wjela



postarane. Přenjoťna hra R. Domaški »Namakanje hnadowneje postawy w Róžeńće«, předstajena w l. 1928 z wulkim wuspěchom we swobodnej přirodže wjacykróć před wulkej syłu serbskeho luda, wosta hač dotal w rukopisu.

Dźiwadłowe hry hornjoserbske činja džensa dobru službu tež w Delnjej Łužicy, hdžež je Mina Witkojc zdobnje připrawja za skromne tamniše sceny. Tak na př. wjeselohry: M. Andrickeho »Cesna bańka« (1922), Koldy Malínskeho »Nankowe škórne« po Mukowem předžěłanju (1922), M. Hajnowe »Petrolejowe žrědło« (1928) a Wingerjowu činohru »Na huńeńku« (1926). Přenja delnjoserbska originalna hra »Serbska psěza« wot H. Noweho-Bórkojskeho (1928) je poprawom jenož narodopisny wobraz, kotryž so prócuje zakhować a woži-

wiće typiske domjace serbske přazy z jich pisanyimi drastami a ludowym razom, z jich spěwom a słowjanskim duchom. Tohodla so tež tutón wobraz započina z wjesolej narodnej pěsničku: »Gaž sama pšěžom ja...« a kónči so z narodnym spěwom: »Ja serbski som a serbski budu...« Druha delnjoserbska hra, ludowe drama »Z chudych żyweńa« (1929), je jara kedźbyhódny pospyt delnjoserbskeje pěsnjeŕki *Marjany Domaškojc=Cazojskeje* pokazać na socialne poměry tamnišeho luda po swětowej wójnje. Su to poměry dosć zrudne a njewjesole. Nowa hra M. Domaškojc, hišće w rukopisu, »Šośćic pytaju žowćo«, ma docyła hinajki a žortniwy raz. Rukopisna hra *Herberta Cerny* »Mója domowńa« je tohorunja jenož rjany narodopisny wobraz jako mjenowana hra Noweho.


Wuspěšne rozwiwanje serbskeho dźiwadła wotwisuje wot dobreho zarjadowanja serbskich hrajerjow. Je nuzne, zo by so załožiło někajke dobre towařstwo serbskich hrajerjow, kiž bychu prawidłownje hrali; z tym by so mohło wjele wuskutkować za pozběhnjenje serbskeje dramatiskeje literatury. Přewjedženje Janoty Wićaza w měšćanskim dźiwadle budyšinskim w l. 1920 pokazuje sprawnny puć do přichoda.

5. Přeložki.

Prěnjotnu serbsku literaturu derje dopjelnja dosć bohata a w cyłku dobra literatura přeložkowa. Z basniskich přeložkow na přěnim městnje steji rađženy hornjoserbski přeložk *Homeroweje Odysseje* a *Iliady*, žiwjeńske dźěło zajimaweho serbskeho basnika *Mat. Urbana* (1846–1931). Přěnje popřewrótowe zahorjenje z wulkimi pjenježnymi darami zmóžni knižne wudaće wobeju klasiskeju eposow (Budyšin 1921 a 1922), z kotrymajž přeložeŕ pokaza


khmanosć swojeje maćeřšćiny k wuprajenju najcu= nišich wotsćinow starogrekskeje řeče, ćim skerje, zo džensniša serbšćina ze swojim dualom, ze swojimi aoristami a imperfektami a ze zastarskim razom swojeje składnje so k tomu wosebje hodži. Přeložk je džělany z grekskeho originala, w jeho rozměrach a tola ze stajnym hladanjom k nazynkowym za= konjam serbšćiny. Hewak su tu drobne pokazki ze słowjanskich a cuzych literaturow: nimo hižo prjedy naspomnjenych (pola Józ. Nowaka a Jana Skale) tež z *Verlaina*, *Heineho*, *Mickiewicza*, *Aškerca*, *Njekrasova*, *Kollára*, *Sládka*, *Zeyera*, *Březiny*, a wosebje z *Pětra Bezruča*, z wjetša wot prof. *Oty Wićaza* přeložene. Basnje Pětra Bezruča wuńdu jako knižka w knihowni »Dom a swět«. Z wjetšich poslednich přeložkow je derje radženy přeložk Baum= bachoweho němskeho eposa »*Zlatorog*«, kotryž wuda *Jan Šur* (*Šěca*) we wosebitej knižcy w Budyšinje 1931. Tuta tragiska bajka wo triglavskim Zlato= rogu, młodem hajniku a jeho lubcy Jericy a žar= liwej Špeli, wuznamjenja so z krasnymi popisami alpskeje přirody: přeložeř přewjedže wšo w dobrej a běžnej serbšćinje.

W Delnjeje Łužicy woćišćuje *Mina Witkojc* po= kazki hornjołužiskeje poezije, předewšěm basnje Ćišinskeho, ale tež basnje Zejlerjowe a Wałtarjo= we, z kotrychž wuběra wosebje basnje narodno= wukubłańske. Radžene přeložki z *Erbenoweje* »*Ky= ticy*« poda do »*Łužicy*« 1926/27 a do protyki »*Pratyja*« 1927 a *Vrchlickeho* »*Nalětneje bajki*« do *Serb. Casnika* 1930 hižo naspomnjeny lubowař Łu= žicy, wosebje Delnjeje, *Wěšław Serb=Chejnicański*, po prawom *Wjacław Srb* z čěskich *Chejnic* (1901), kotryž wustupi ze swojimi jednorymi delnjoserb= skimi basnjemi w narodno=zbudžeřskim duchu k přěnjemu razej w *Serb. Casniku* 1925.



Z beletrije wuda *Jurij Libš* přełožk *W. Beneša Třebízského: »Kašpar Zdenjek Kapleř ze Sulec«* (1921) w krasnej a jadriwej serbsčinje, w kajkejž zdobom předpołoži serbskim čitarjam swój klasiski přełožk *Domaša Kempenskeho »De imitatione Christi«* (*Wo kroćenju za Khrystusom*, 1921), w Łužicy wot lěta 1823 hižo pjaty přełožk. Z tutym přełožkom je Libš runja Urbanej dopokazał rjanosć a bohatstwo ródneje řeče. Njedokónčeny přełožk Stareho Zakonja wot Filipa Rězaka, přełožerja knižki »*Naša wowka*« wot Boženy Němcoweje, je z dalšim wobswědčenjom wuhładkowaneje hornjo-serbskeje řeče.⁶⁾

⁶⁾ Nimo toho zarjadowa *J. Jakubaš 3.* wudaće Hórnikowych *Bibliskich stawiznow* w Budyšinje 1924.




Prozaiske přełožki so wuběraju ze stajnej kedźbnošću narodno- a moralno-wukubłańskej. Tohodla přełoži *A. Holan* jednore němske powědańčko *Hančowe »Lubuš«* (1922) a tohodla so tež nimoměry rady čitaju džěła słowakskeje spisowacelki *Kristiny Royoweje*, kotrež stajnje wukhadžeja we feuletonach *Serbskich Nowin*. Dwě z nich wuńdžeštej tež w knižkomaj: »*Bjez Boha na swěće*« (1925) a »*Spokojene žedženje*« (1927), wobojew přełožku *K. W(yrgača)* a z rysowankami *W(arn)sowymi*. Ale tež přełožki druhich wobsahow a swětow wukhadžeja. Knihownja »*Dom a swět*« započawa so wuspěšnje z *Jiráskowej Filozofskej historiju* (1921), kotruž bě přełožił *Jurij Wićaz*, w samsnej zběrce wuńdžechu *Ad. Černeho Serbske wobrazki* (1925), přeložene wot *Oty Wićaza*, dopjelnjene

z přeložkomaj *M. Andrickeho*, tam tež wuńdžechu *Ruske byliny* (1927), běžneho prozaiskeho teksta w přeložku *Měrcina Nowaka* w pyšnem bibliofilskim wuhotowanju a z přenjoťnymi drjeworězami přeložerjowymi; w tutej zběrce wuńdžeštej tež dvě powědańcy *Terézy Novákoweje*: »*Na farje*«. — »*Hałžki*« ze »*Zleńkow zornowca*« w přeložku *Mikławša Krječmarja* a ze zawodnym słowom wo žiwjenju a džěle českeje spisowaćelki wot *Józefa Páty* (1928). Wjele přeložkow wuńdže tež we feuletonach *Serb. Nowin*. Tu přećišća *J. Libš* rjany *Wingerjowy* přeložk *Sienkiewiczoweje* nowele »*Za Božim khlěbom*« (1923), tu woćišća w lět. 1924 a 1925 *Jurij Hrodzišćanski (Jěški) Dostojevskeho* »*Bratrow Karamazowych*«, jow tež woćišća prof. *Jan Bryl* (1879–1931) cyłu syłu derje zeserbšćenych słowjanskich powědańčkow, nowelow a romanow, wosebje zběrku *Tołsteho* »*Powědańčkow za lud*« (1925), roman *Turgenjewa* »*Nanojo a džěći*« (1927), *Gogoloweho* »*Tarasa Bulbu*« (1927), *Kristiny Royoweje* »*Za wysoku płaćiznu*« (1927), roman *Terézy Novákoweje* »*Na Librowem grunće*« (1929), *Sienkiewiczowy* klasiski roman »*Quo vadis?*« a powědańčko »*Tři žónske*« (1929), *Wallaceowy* roman »*Ben Hur*« (1932), drobne powědańčka wot *J. Klecandy*, *Fr. Heritesa*, *Ign. Herrmanna*, *Iw. Klicpery*, *K. Klostermanna* a druhe. We feuletonach *Serbskich Nowin* (1927) wuńdžechu tež pokazki z *Nerudowych* »*Małostronskich powědańčkow*«, přeložene wot *Jurja Wićaza*, a hišće wjele druhich přeložkow, nic jenož z němčiny (»*Alpske powědańčka*« *P. Roseggera*, 1925), ale tež z francózšćiny, jendželšćiny (*O. Wilde* 1926), a wězo tež nimale ze wšěch słowjanskich rěčow, wosebje z čěšćiny. Z nich bu přećišćany w *Mukowej Serbskej*

ludowej knihowni (1925) přeložk *Sienkiewiczoweho* romana »Hana« wot B. Cyža.

Mnoho mjeńšich a wjetšich přeložkow nadeńdzemy tež w »Łužicy« (*Tołstoj, Turgenjev* a dr.), kotrež je z hłowneho dzěła prof. Ota Wićaz wobstarał, ale nimo toho tež w serbskich protykach (w »Krajanu« na př. wot l. 1925 *M. Krječmarjowe* wubjerne přeložki z *Boženy Němcoweje, Třebízského, Baara a Holečka*) a na posledku w »Serbskim Studence«, hdžež so pokazuje najwjetši zajim za słowjanske a swětowe literatury (*W. Hugo, Honoré de Balzac, O. Wilde, L. N. Tołstoj, K. P. Tetmajer, St. Žeromski, Iwan Cankar* atd.). Wšitke tute přeložki, znova přehladane a zhromadžene, bychu mnohu ličbu zwjazkow poskićile, štož by bylo wopradžite wobohaćenje snadneje domjaceje literatury. Wuprajam při tom naležne přeće, zo bychu wšitcy serbscy autorjo podpisowali swoje dzěła abo při přeložkach naspomnili cuzeho autora a swoje přeložerstwo, štož so hišće jara mało stawa. Płaći to za wobě literaturje, kaž hornjoserbsku, tak tež delnjoserbsku. Kritiske dzěło literarneho historika je z tym pře wšu měru počezene.

Tež delnjoserbska proza ma swoje spodobanje we wukubłańskich naćiskach słowakskeje spisowaćelki *Kristiny Royoweje*. B. Šwela wotewri w léce 1921 z přeložkom »*Nemějachu ruma*« swoju Serbsku knigłownju, do kotrejež 2. zwjazka zaměstni tohorunja přeložk z Royoweje: »*Kak se rozbo-gašiš*«. Nimo toho woćišća Šwela swój starši přeložk »*Gódowna radosć*« wot njenaspomnjeneho khorwatskeho spisowaćela (1922). Najwjacy přeložkow stajnje a wubjernje wobstaruje *Mina Witkojc*, kotraž woćišća we Šwelowej Serbskej knigłowni tři přeložki z *Kristiny Royoweje*: »*Služabnik*« (1924), »*Mimo Boga na swěše*« (1926) a »*We hugnaň*«



Ota Wićaz

stwe« (1928) dale pak w samsnej knigłowni česke Chocholouškowe »Kósowe pólo« (z hornjoserbšćiny 1923), němski roman Bosch-Fidusowy »Serbowka« (1927) a rjane blótowske powědańčko »Hanka« (1928), napisane wot M. Andrickeho a wočišćane w léće 1898 w »Łužicy« (hornjoserbscy jako knižka dotal njewudate), kaž tež tři knižki přeložkow w knihowni Dom a swět: Ad. Černeho »Serbske hobrazki« (1930) a dvě rjanej powědańčcy wob-
lubjeneje českeje spisowačelki Bož. Němcoweje: »Baruška« (1930) a »Žiwa Bara« (1931). M. Witkojc wutrajnje a z lubosću přeložuje tak, kaž je to w hornjoserbšćinje činił Jan Bryl. W Serb. Cas-
niku namakamy hišće druhe, dotal samostatnje njewudate přeložki: Radlubinowu »Staru jablu-
cynu« (1931), B. Němcoweje »Sotši« (1930), »We



grodu a we pódgrodu» (1931–32), drobne po-
wědańčka wot *J. Jahody*, *O. Wildea*, z južno-
słowjanskeje ludoweje literatury atd.

W dramatiskej literaturje maja přeložki abo
předžělanja cuzych kruchow stajnje podstatnu pře-
wahu. Čěrpane su z wjetšeho džěla z českeho
kužoła. Tak na př. *J. Handrikowy* přeložk *Pakosty*
Loučenskeho činohry: »*Wjesna kralowna Leńka*
z pazdžeńje« (1922), *Šamberkowy* »*Błazeńc w pře-*
njem poskhodže« w přeložku *J. Bróska* (1922),
Šubrtowy »*Jan Vyrava*« w předžělanju *M. Kubašec* :
»*Janota Wićaz*« (1923), wšitke v Mukowej dži-
wadłowej zběrcy, nimo toho *Svobodowe* »*Mlsá-*
ničko« w předžělanju *J. Wjacstawka* (*W paslach*,
1926) w zběrcy »*Domowiny*« a *Kvapilowa* »*Po-*
hádka o princezně Pampelišce«, připrawjena za

džěćace jewišćo w přełožku *Bjarnata Krawca* z jeho originalnymi spěwami (*Pryncesna Lětulinka*, 1923), kaž tež Nawkoweje přełožkaj klankodźiwadłoweju hrow: *Hurtoweho »Otakarika«* a *Tomkoweje »Pryncesny Pčołki«* (1922 a 1923); *J. Henčl* přełoži *Čechoweho »Překlepaneho Kašporka«* (1929). *Henčlowy* přełožk putaceje českeje hry »*Maryša*« wot bratrow *Mrštíkow* wosta w rukopisu. Wosebje spomnjenja hódnej stej dwaj přełožkaj hrow *L. N. Tolsteho »Prěni palencař«* a »*Bur a pućowař«* (1929), kotrejž je z ruskeho originala *Ota Wićaz* připrawił. Je to přenje samostatnje wudate džěło Tolsteho w serbskej literaturje. Wo připrawach delnjoserbskich hrow, kotrež *M. Witkojc* wobstaruje, pisach hižo prjedy.

Na kóncu chcu hišće naspomnić, zo tež hornjoserbskej protyicy »*Krajan*« a »*Předženak*« a delnjoserbska »*Pratyja*« přinošuja prawidlownje dokłady kaž přenjotneje, tak tež přełožkoweje drobneje literatury za lud. Bohate wubjerki ze serbskeje literatury domjaceje, kaž tež přełožkoweje nadeńdzemy we woběmaj šulskimaj čitankomaj: *Kwětki* (za wyšši skhodžeńk ludowych šulow, str. 296, lex., 1921) a *Zahrodka* (za srjedźni skhodžeńk ludowych šulow, str. 240, wul. 8, 1925), woboje z nakładom *Maćicy Serbskeje* w *Budyšinje* a z pomocu *Zwjazka serbskich wučerjow*.⁷⁾

⁷⁾ Nimo toho wuńdže w Praze »*Serbska čitanka*« (1920, str. 426) wot *Józ. Páty*, podawaca přeni wulki wubjerk k zeznaću serbskeje literatury přenjotneje, kaž tež přełožkoweje, a zdobom zwučowańske texty za studium serbskeje řeče. Přizamknjeny je wukład wo słowjesnosći a zapis spisowacelow z krótkimi žiwjenjopisnymi datami.

Serbska wěda.

Serbska wědomosć zhromadnje z krasnej literaturu słuži tež po přewróće předewšěm najbližšim narodnym potřebnosćam a zajimam. Na čole cyłego skutkowanja stoji *Maćica Serbska* w Budyšinje z *delnjołužiskim* wotrjadom w Khoćebuzu. Tutej wjedzetaj dwaj znataj serbskaj filologaj: prof. dr. Arnošt Muka w Budyšinje a faraŕ Bogumił Šwela w Dešnje pola Khoćebuza. Z jeju centralnym organom je hižo prjedy naspomnjeny »*Časopis Maćicy Serbskeje*«, nawjedowany wot Muki a wukhadźacy hižo 85. lěto. Mucy poradzi so jón, byrnjež w zmjeńšenem rozsahu, přez cyłu swětowu wójnu zakhować. Nětko wukhadźa časopis kaž prjedy mjenujcy w dwěmaj zwjazkomaj wob lěto. Dokelž *Maćica Serbska* ze swojimi wědomostnymi wotrjadami po móžnosći pjelni nadawki, kotrež pola druhich swobodnych Słowjanow pjelnja Akademije wědomosćow a wumjełstwow, dyrbi podpjerać wšě kulturne skutki serbskeho luda, nic jenož čišć, ale tež serbske koncerty, dźiwadło a wšo, štož z narodnej kulturu zwisuje. Zo by so serbska wědomosć wjacy spěchowała, rozsudzi so *Maćica Serbska* w l. 1929 k wudawanju serbskich *Wědomostnych rozprawow Maćicy Serbskeje* w Budyšinje. Přenje čisło přinjese pod red. A. Muki



Zawod do studija serbskeho pismowstwa wot Józ. Páty. Bychmy sej přeli, zo bychu so tute Rozprawy po móžnosći dale wudawałe. W Rozprawach móža so čišćeć wjetše monografiske džěła, kotrež njeje móžno w Časopisu Mać. Serb. za měsćić.

Pódlu Časopisa Maćicy Serbskeje tež »Łužica«, nawjedowana wot prof. Oty Wićaza a wyššeho wučerja J. Symanka, přinošuje wotrjadne nastawki literarno-historiske, kulturno-historiske a domowědne.

Prof. Arnošt Muka, kotryž je najebać svojich 78 lět (rodź. l. 1854) njepřestawajcy při narodnem džěle, runje w času přewróta dokónči wobšěrne džěło wo prjedawšim delnjołužiskim łukowskim kraju z hódnyimi domowědnymi a filologiskimi

Arnošt Herman



wułożkami wo słowjanskim razu tuteje zajimaweje strony. Džělu, započatemu hižo před swětowej wójnu, móžeše so autor hakle při přetorhnjenju korekturow swojeho delnjoserbskeho słownika do społnje wěnować. Wuńdže z nakładom Wokrjesneho łukowskeho wubjerka jako »Bausteine zur Heimatkunde des Luckauer Kreises« (Luckau N.Ł. 1918, str. XXIII + 516 + 124), z khartu wokrjesa a ze 160 rysowankami a fotografijemi.

Po přewróće pokaza so wosebje potřebnosć rěčnicow a słownikow serbskeje rěče. Za nimi njeprašachu jenož Serbja sami, ale tež cuzy zajimarjo wo Łužicu. Tu Muka hnydom přistupi k wudžěłanju mjeńšeho přiručneho słownika za Hornju Łužicu (*Hornjoserbski přiručny słownik*, Budyšin 1920, str. IV + 20 + 128), podawaceho


w zawodže krótku hornjoserbsku rěčnicu, hornjo-serbsko-němski słowničk, wobdžěłany po starem słowniku Pfulowem a po přihotowanem wulkim słowniku *Kralowem*, a k zakončenju krótke prawidła hornjoserbskeho prawopisa. Muka wudospołni tutón z khwatkom wudžěłany słownik samsne lěto z hesłowym němsko-hornjoserbskim słownikom, kaž tež z němsko-serbskim městopisnym słowničkom, a wučišća jón ze svojim nakładom jako »Serbsko-němski a němsko-serbski přiručny słownik« (ze sobuběžnym němskim napisom, w Budyšinje 1920, str. IV + 20 + 256). Přenjej potrebnosći k zeznaću Łužicow posłuži Muka hnydom po přewróće z přečišćenjom swojeje kharty wobegu Łužicow (*Přehladna kharta serbskeje narodnosće Hornjeje a Delnjeje Łužicy*), ke kotrejž přida němsko-serbski městopisny słowničk. Khartu wuda *Hajno Hantšo-Slepjanski* w Budyšinje 1919 přizamknywši k njej zawod we woběmaj serbskimaj narěčomaj kaž tež w němskej rěči. Ale nimo toho wuda Muka znowa swój wužitny městopisny słowničk, znowa wobdžěłany a dopjelnjeny (*Serbski zemjepisny słowničk*, 5. wudaće, Budyšin 1927).

W tutom času Muka hižo zaso pilnje dale džěłaše na swoim žiwjeńskim džěle, na wulkim delnjoserbskim słowniku, kotryž we wójnje wosta tčacy w Pětrohrodže. Jako Muka po pjećatřicecílětnem napinacem džěle 1910 swoje džěło ruskej Akademiji přepoda, so zawěsće nadzał njeje zadžěwkow, kotrež ćišć tak zadžerža. Z přinarodženeje wobhladniwosće a dokładnosće wobstara sej wotpisk swójeho rukopisa (a woprawdže so we wójnje džěl rukopisa zhubi). Hač do nalěca 1915 woćišćachu so 62 listnow hač do hesła »narski«. Dale njemóžeše ruska Akademia pokračować dla wójnskich

poměrow a po přewróće dla poměrow domjacych. Hotowe listna buchu w léće 1921 zbrožuwane, z nakhwilnym napisom woznamjenjene a po dlěšim jednanju Čěskej akademiji wědomosćow a wumjełstwa do Prahi pósłane, kotraž wulkomyslnje na so wza zaslužbne džěło wudaća Mukoweho słownika. W léće 1926 doćišća so w Prazy přeni zwjazk a do kónca l. 1928 bu doćišćany zwjazk druhi kaž tež zwjazk třěci z dodawkami. Tak wuńdže skónčnje žadny a drohotny Mukowy »*Słownik dolnosěrbskeje rěcy a jeje narěcow*« (ze sobuběžnym čěskim, ruskim a němskim napisom), wulkeho formata, na rjanej papjerje a z jasnymi pismikami, wobsahowacy we třoch zwjazkach nimo XXXVI stronow zawodnych słowow 2510 stron delnjoserbskich hesłow ze sobuběžnymi hesłami hornjoserbskimi, ruskimi, němskimi a po potrebjce za přirunanje tež z čěskimi, pólskimi, kašubskimi, połobjanskimi a južnosłowjanskimi, wobjimacy delnjoserbski słowny pokład wot najstaršeje doby hač do doćišćenja słownika, kaž bě jón autor wučerpał z pisomnych pomnikow a čišćanych knihow, z ludowych narěcow žiwych kaž tež wotemrětych. Džěło, z kotrymž so serbska wědomosć čestnje a wužitnje nic jenož we słowjanskim, ale w cyłym wědomostnem swěće předstaja. Je to z dobom dopokaz praktiskeho słowjanskeho sobudžěła na wudawańskim polu, přetož mała Łužica njeby mohła tajke džěło sama wudać.

Njedźiwajcy toho Maćica Serbska bě so sama postarała wo wudaće dweju hornjoserbskeju słownikow, kotrejž drje bóle praktiske zaměry scěhujetej, tola pak wotpočujetej tohorunja na wotrjadnych zakładach. Je to »*Němsko-serbski wšowědny słownik hornjołužiskeje rěče*« dra Filipa Rězaka (1859–1921), džěło dołhich lět pilneho prócowanja, kotrež bu skónčnje we času popřewrótoweho zahorjenja wu-

Jakub Šewčik



date w Budyšinje (tež z něm. napismom, 1920, lex., str. 1150). We léće 1927 wuńdžechu přenje listna wulkeho słownika *Jurja Krala*, Radwofčana (rodź. 1864), »*Serbsko-němski słownik hornjołužiskeje rěče*«, připisany prof. A. Mucy (tež z němskim napismom, stron XXXII + 968), kotryž bu doćišćany w léće 1931. Mjez tym zo Rězak wustupuje jako nowotař a zawodźuje někotre słowa dotal njeznate (ze słowjanskich rěchow abo nowje tworjene), wostawa Kral na dobrem a bohatem domjacem zakładze słownem, kotryž podawa kedźbliwje a swědomiće, kaž Rězak z drobnymi dokładami frazeologiskimi. Lěpšina Kraloweho słownika porno Rězakowemu je krótki a wubjerny zawodny narys hornjoserbskeje rěčnicy. Nastajnym žadosćam za serbskej rěčnicu po přewróće hladaše Kral wot-

Jan Cyž
Hajničanski



pomhać ze spěšnym wobdžělanjom swojeje »*Grammatik der wendischen Sprache in der Oberlausitz*« (z l. 1895), kotruž wuda w l. 1919 w nakładze Smolerjec knihikupstwa w Budyšinje. Knihu, kotraž so woprawdže spěšnje wupředa, předžěła tónle dobry znajeř ródneje řeče zasadnje znowa, předžěła wo sebje zajimawe serbske słowjeso, rozmnoži dotalne přikłady a zwučowanja, přidruži k tomu wužitne serbsko-němske rozmołwy a mału čitanku, wšitko pak wobzamkny ze svojim hesłowym słowničkom serbsko-němskim a němsko-serbskim. Takle wobdžěłana knižka wuńdže w Budyšinje w léće 1925 jako 3. wudaće jeho knihi w samsnem nakładnistwje, str. XII + 219. Je to džensa najlěpša hornjoserbska rěčnična přiručica, kotraž při svojim praktiskim zestajenju tež wědomostne požadanja spokoja.

Nowemu zajimej wo serbsku rěč (džěše tu wosebje wo *hornju serbšćinu*, kotrejež přisłušerjo na čole hibanja za swobodu stejachu) prócowaše so pomhać tohorunja dobry znajeť maćešćiny, wučer *Michał Nawka*, rodženy Radwońčan (1885), kotryž započa l. 1919 wudawać w Budyšinje ze swoim samsnym nakładom »*Ausführliches Lehrbuch der obersorbischen (=wendischen) Sprache für Schul- und Selbstunterricht*«, tola pak wosta tčacy ze swojej wubjerneje a šěroko po podobnych swětowych pomocnych knižkach załoženeje wučobnicu hnydom při přenim zwjazku. Prjedy hač k wudaću drugeho zwjazka dóndže, bě so zajim Němcow zhubił. Na to wěnowaše so Nawka pisanju wjele potřebnišich rěčnicow a pomocnych knižkow w serbskej rěči, postajenych wosebje za młodžinu, kotruž je němska šulska politika nimale dospołnje ze spóznaća ródneje rěče wuzamknyła. Tak wuda z nakładom Maćicy/Serbskeje w léće 1920 a 1921 dwaj zwjazkaj »*Přewodnika po serbskej rěči*« a w léće 1925 rjanu knižku »*Na wsy — za wsu*« z nakładom Zwjazka serbskich wučerjow, z přenjotnymi wumjełskimi wobrazkami Měrcina Nowaka. Dokelž bě »*Přewodnik*« hižo rozpredaty, wudžěła Nawka nowy přewodnik po serbšćinje z napisom »*Raj rěče*«, přeni zešiwk za 3., 4. a 5. lětnik (1931), z Nowakowym znatym křižerjom na wobalcy. Rozdžěl mjez woběmaj přewodnikomaj woznamjenja spisowaćel sam ze słowami: »... kaž mjez kosćowcom a čłowjekom. Tam knježeše gramatika, tu žiwjenje!« Je z woprawdžitej radosću čitać w tutych Nawkowych knižkach za serbske džěci. Nawka nimale wšudže wustupuje jako reformator hornjo-serbskeho prawopisa; swoje porjedžeńske namjety přednjese samo na někotrych Maćičnych zhromaždiznach, ale dla přewulkeje radikalnosće njebuchu

namjety přijate : zawjedženje fonetiskeho prawopisa zda so tudy přežažne być. Nawka nahromadži sej tež při svojich džěłach znamjenitu ličbu zmylkwow přećiwo duchu serbskeje řeče, wosebje w składni, zestaja tež mnohosć germanizmow, a wuslědk svojich spóznaćow woćišća w knižcy »*Zmysł našich słowow*« (nakł. Smolerjec knihikupstwa w Budyšinje 1928) jako znamjenitu přiručku, selenu z čerstwym humorom a žortom swojorazneho autora. Byrnjež z Nawku we wšěm přezjene njebyli, w tom zawěsće dyrbimy jemu přiħłosować, zo je džensa w hornjoserbskim prawopisu wjele njejasnosćow a njepřezjednosćow, štož bychu mohłe wotstronić jenož dobre prawidła, wudžěłane a wudate wot Maćičneho řečneho wotrjada.

Jeničcy za kurzy serbsčiny, kotrež buchu po přewróće za Němcow a liwkich Serbow w Budyšinje, w Kamjeńcu a druhdže zarjadowane, napisa *Jurij Šołta* swój »*Němsko-serbski rozmołwnik k lohkemu nawuknjenju serbskeje řeče za najwšelakoriše poměry čłowjeskeho žiwjenja*« (tež z němskim napisom, ze samsnym nakładom w Budyšinje 1920). Tež delnjołužiski filolog *B. Šwela*, rodzeny w Skjarbošcu (1873), kotryž bě hižo w l. 1903 ze swoim zaslužbnym džěłom »*Dolnoserbski pšawopis*« zřadował prawidła pisanja w delnjej serbsčinje, kotruž swětej přibliži ze swojej dobrej delnjoserbskej řečnicu a čitanku z lěta 1906 a 1911, po přewróće znowa woćišća swój »*Kurzes Lehrbuch der oberwendischen Sprache*« z lěta 1913 (2. wudaće w Budyšinje 1920). Na to da so do wotrjadneho přiřunanja woběju serbskeju narěćow a woćišća w lěće 1926 w Budyšinje swoju »*Vergleichende Grammatik der ober- und niedersorbischen Sprache*«, w kotrejž pokaza nic jenož što Hornich Serbow wot Delnich po řeči džěli, ale zdomom tež što jich zjednoća.



Mikławš
Krječmař

Sobuběžnje podawane rěčnične dokłady z krótkimi a jasnymi wuložkami, dopjelnjene na kóncu z diferencialnym słowničkom wobeju narěčow, podawaja přeni dobry zawod k spóznaću rěčneho składa wobeju serbskeju narěčow. B. Šwela wobdźěli so w l. 1929 pódlu J. Krala a M. Nawki na přenim zjězdze słowjanskich filologow w Prazy z rěčespytnym přednoškom »Słowjanske stopy w dolno-serbskem pismowstwe«. Tutón zajimawy přednošk wuńdže we Zběrniku zjězdowych přednoškow II. a tež we wosebitem woćišću w Prazy 1931.

Nahladna ličba drobných rěčespytných studijow a přinoškow wuńdže tež w Časopisu Maćicy Serbskeje. Napisachu je A. Muka we swoich woblubjených wuložkach mjenow, J. Libš w rjedže dobrych wukładow syntaktiskich a rěčničnych docyła, B.

Jan Symank



Šwela přecišća žadnu serbsku přisahu w komorowskej narěči ze zap. 18. lětst., *B. Šolta* wočišća w lěće 1921 (a tež samostatnje) filologiski rozbjerk přenjeje hornjoserbskeje Swětlikoweje biblije z lěta 1688–1711. Tuto džěło, napisane w Lipsku jako disertacija z nastorkom a pod wjedženjom nětčišeho pražskeho uniw. profesora *M. Murka*, tehdy lipsčanskeho slawisty, pokazuje jasnje polo wědomostneje džěławosće młodeje serbskeje generacije. Nowy nastork k přepytowanju serbskeje dialektologije poda dr. *Józ. Páta* z nastawkom »*K. G. Anton wo hornjołužiskich dialektach l. 1797*« (1928) w kotremž poda tež krótki přehlad dotalnych přepytowanjow serbskich dialektow.⁸⁾

⁸⁾ Čěski zajim wo spóznaće lužiskeje serbšćiny, wosebje w hornjej narěči, podpjeraše w samsnem času *Józ. Páta* ze

Na polu *literarneje historije* po přewróće ma najwjacjy zaslužbow prof. Ota Wićaz, rodženy z Khwaćic (1874), nawjedowacy redaktor beletristiskeje »Łužicy« a zarjadowař ewangelskeje protyki »Předženak«, kotruž zwjetša tež sam piše.

Hižo do wójny zamołwješe so Wićaz hdys a hdys z nastawkami čerpanymi ze serbskeje kulturneje historije, kotruž bórzy zjednoćeše z historiju literarneje. Hnydom ze swojim Maćičnym přednoškom »Wo serbskim ludowem basnistwje« (1922) zbudži wulku kedźbnosć, přetož we nim jako přeni pohódności serbsku ludowu pěsnjeřsku literaturu z poč. 18. lětst., zjednoćiwiši ju prawje z nabožniskim ludowym hibanjom. Spóznaću žiwjenja a džěła lyriskeho basnika K. A. Fiedlerja posłuži z wudaćom jeho lubosćinskich spēwow, přewodziwiši je z jimacym předśłowom w monografiji: »Wutrobine nalěćo M. Stangec a K. A. Fiedlerja« (1923),

swojej »Krótkej přiručicu hornjołužiskeje serbšćiny« (Krótka řečnica, rozmołwy a korespondenca), Praha 1920, a z jednorym hesłowym »Kapsowym słownikom serbsko-čěskim a čěsko-serbskim« (1920). Na wuznam noweho přepytowanja serbskeje řeče, wosebje serbskeje fonetiki, pokaza Józ. Páta ze swojimi fonografiskimi zapiskami serbskimi, kotrež sćini z pomocu čěskeho fonetika Józ. Chlumskeho a francózskeho fonetika profesora H. Pernota za archiw Čěskeje akademije wědomosćow w Praze l. 1929. (Fonografické zápisy lužickoserbské, Čas. pro mod. fil. XVI. 1931.) Wo stejnišću serbšćiny mjez słowjanskimi řečemi pisaše pólski přećel Serbow, slawista Witold Taszycki: *Stanowisko języka lużyckiego* (Kraków 1927). Za serbski a słowjanski řečespyt jara wažne su tež nowe wudawki starych serbskich rukopisow a knižkow. Tak wuhotowa K. H. Meyer nowy wudawk přěnich hornjoserbskich čišćanych knižkow: *Der oberwendische (obersorbische) Katechismus des Warichius* (1597) w Lipsku 1923, R. Trautmann wuda přěni króc delnjoserbski Wolfenbüttelski psaltar »Der Wolfenbütteler Niedersorbische Psalter« (Lipsk 1928) a jeho wučomc, młody slawista C. Hoenicke řečespytny rozbjerk tutoho psaltarja (1930).

k Mukowym sydomdžesaćinam woćišća wulku monografiju »*Dr. Arnošt Muka*« (1924) z mnohimi datami z pilneho žiwjenja wulkeho serbskeho wučenca a narodneho prócowarja, kaž tež z nadrobnej bibliografiju jeho džěłow, dale zhromadži a ze svojim zawodom wuda »*Serbske basnje a pěsnje Jana Hajncy*« (1925) a wobstara knižne wudaće swoich studijow wo *Janu Kolláru* za knihownju Słowjanske Rozhlady (1928). Wulka mnohosć Wićazowych džěłow wostawa, bohužel, skhowana w časopisach. Jeho »*Serbske hłowy*« w »*Łužicy*«, we kotrychž jedna wo zabytych serbskich spisowacelach a wótčincach, zjednoćene z podobnymi nastawkami w »*Předženaku*«, kaž tež w Časopisu Maćicy Serbskeje (najnowišo na př. wubjerna studija »*Lipsk jako ródnišćo serbskeje romantiki*«, 1931-32) zawěšće bychu wučiniłe hižo rjany zwjazk hódnych studijow ze serbskeje literarneje a kulturneje historije. A nimale kóžde čisło »*Łužicy*« přinošuje něšto noweho wot njeho, někajke nowe wuslědženje, nowy zapis a wšitke wuznamjenjeju so z wosebitym zmysłom za dušinu analizu, za swójbne a powšitkowe poměry, zepjerajo so na studium stawizniskich podawiznow a wosebje su załožene na dokładnem žórłowem studiju, na zapisach archiwalnych, farskich a swójbnych, z čimž tworja spušćomne zakłady za składne stawizny serbskeho pismowstwa. Prof. Ota Wićaz ze swojimi přenjotnymi literarno-historiskimi džěłami, z kritiskim scěhowanjom nětčišeje serbskeje literatury, ze swojimi přełožkami, kaž tež ze swojej redaktorskej džěławosću, słuša k najpilnišim džensnišim serbskim spisowacelam. A ze svojim prócowanjom, pokazać při kóždem džěle na jeho narodno-wukubłański raz a žiwjeński zmysl, słuša wón k džensnišim wjedniskim ducham słowjanskeje Łužicy.



Włodzimierz
Zmeškal

Wosebitu hódnotu z druhich přinoškow na samsnem polu ma wudaće pražskeje korespondency wobdarjeneho serbskeho publicisty M. Andrickeho, kotrež *M. Nawka* kedźbliwje wobstara (*Mikławša Andrickeho listy z Prahi z lět 1886 do 1895*, Budyšin 1925), dale *Krječmarjowej* dobrej wudaći *Ćišinskeho* eposa młodych lět »*Nawoženja*« (1926) a jeho »*Basnjow z młodych lět*« (1931), wobě z literarno-historiskim zawodom, přeni džěl monografije wo *J. P. Jórdanu* wot *H. Šlecy* (w *Čas. Mać. Serb.* 1924, wosebity wočišć 1926), přečišć *Mukoweje* monografije wo *H. Zejlerju* (1923), *K. Rězbařkowa* monografija »*Leben und Wirken von Michael Frenzel*« (1930), a nimo toho zaso cyły rjad drobnych literarno-historiskich přinoškow, kotrež napisachu pódla mjenowanych hišće *Jan*

Jakub Šajba



*Bryl, J. Delan, J. Křižan, A. Herman*⁹⁾ a druzi.

⁹⁾ Přir. tež *Józ. Páta*, Z českeho listowanja J. A. Smolerja, w *Čas. Mać. Serb.* 1918—19, wosebity wočišć 1919, z dodawkami w *Čas. Mać. Serb.* 1922. Serbska literarna historija ma hišće stajnje winowatosć wudać wubjerne prozaiske naćiski *Mikl. Andrickeho*, kaž tež docyła wudawać zhromadžene džěła staršich serbskich spisowaćelow, jich korespondencu, zapiski a přinoški k jich žiwjenjopisam atd. Pokazuje na to *Józ. Páta* tež we swojim »Zawodu do studija serbskeho pismowstwa« (1929), hdžež podawa kritiski přehlad wšěch serbskich a cuzych džělow wo serbskej literaturje hač do l. 1929. Samsny spisowaćel naspomni wuznam přenjeho serbskeho bibliografa a literarneho historika *K. A. Jenča* w *Čas. Mać. Serb.* 1928. Nuzne su tež dalše přepytowanja wzajomnych literarnych a kulturnych počahow lužiskich Serbow z druhimi Słowjanami. Přir. *Józ. Páta*, *H. Zejleř* a jeho styky s Čechy a Slováký (1923), *Jar. Vrchlický* a Lužice (1927), *Jos. Dobrovský* a Lužice (1929), *Z dějin Slováků v Lužici* (1931), *Prof. dr. M. Murko* (1931), zběrnički: *Zejleřowy* (1922),

Z Delnjeje Łužicy pódla drobných nastawkow w časopisach wažne je wudaće autobiografije dołho-
lětneho redaktora Serbskeho Casnika *Kita Šwele*,
wočišćane wot jeho syna *B. Šwele: Christian
Šwela, serbski casnikař*. Jogo žyweće, wót nogo
samego hopisane (Chóšebuz 1927).

Znamjenite studijne pomhadło je »*Katalog serbskeho wotdžela knihownje Mačicy Serbskeje*«, kotryž bě zestajał a z Mačićnym nakładom wudał drježdźanski statny knihownik, historik dr. *Jakub Wjacławak*, rodzeny w Hórkach pola Khróšćic (1885), a runje tak spomózna je jeho kniha »*Wendische (sorbische) Bibliografie*«, kotraž wuńdže we Vasmerowych publikacijach barlinskeje uniwersity 1929. *J. Wjacławak* džěła pódla njeboh *J. Bryla*, *M. Krječmarja* a *B. Šwele* stajnje we serbskej bibliografiji.¹⁰⁾

Na polu *ludowědneje literatury* je spomnjenja-
hódna *Nawkowa* edicija »*Pokěrluški ze serbskeho
luda*« (1923), ze zajimawymi spěwami nabožneho
wobsaha njeznatych ludowych pěsnjerjow, kotrež
je wudawař ze starych serbskich časopisow wubrał
a z hódnyimi přispomnjenjemi wuhotował. Wyšši


Mukowy (1924), Ad. Černeho (1924), J. Čišinskeho (1926);
dr. *M. Krječmař*, Čišinskeho abrahamowiny (1927), *Jakub
Bart-Čišinski* a Južnosłowjenjo (1930); *Włodź. Zmeškala*, T. G.
Masaryk a *Lužice* (1930; serb. rozmnož. wudaće 1931); *W.
Taszycki*, *Sienkiewicz* w pišmiennictwie lužyckim (1931) atd.

¹⁰⁾ Hódny je tež *J. Volfowy* katalog »*Lužické oddělení
v knihovně Národního musea v Praze*« wudaty w Česko-
lužiskej knihowničcy w Praze 1923. W tutej knihowničcy
wuńdžechu tohorunja někotre přinoški k serbskej literarnej
historiji. Poslednje džělo, kotrež wuńdže w mjenowanej
knihowničcy, je katalog *Hórnikoweje serbskeje knihownje
w Praze (Hórnikowa lužická knihovna v Praze, 1931)*, zestajany
wot *Włodźiměra Zmeškala*. — Za Delnju Łužicu wažna je
R. Lehmannowa »*Bibliografie der Geschichte der Niederlausitz*«
(1928), wuhotowana z pomocu *B. Šwele*.

wučer *Jan Symank*, rodženy we Wotrowje (1860), soburedaktor »Łužicy«, w kotrejž wočišća někotre rjane dokłady prozaiskeje tradicijneje literatury, wubra ze serbskich přisłowow najwuznamniše a zřadowa je dźiwajo na čłowjeske dobre a špatne samownosće i nimo toho jako wěčnu protyku serbskeho bura w přisłowach: *Serbske přisłowa* (Budyšin 1926). We swojim poslednim dźěle »*Přinoški k stawiznam lužiskoserbskeje řeče a literatury*« (1929) poda Symank popularnu přiručicu wo serbskej mythologiji, wo serbskich pěsnjach a ludowej literaturje z přihódnyimi tekstowymi pokazkami a z wulkej ličbu hłowneje pomocneje literatury. Tež prof. *O. Wićaz* spomina we swojich přinoškach na tradicijnu ludowu literaturu. Wšitko je wězo jenož maćizna. Wo wotrjadne ludowědne studije próčowaše so hudźbny skladnik *Bjarnat Krawc* w mjeńšich nastawkach na polu narodneje pěsnje w »*Łužicy*« 1922–23, w *Čas. Mać. Serb.* 1921 a wosebje tam tež w monografiji wo narodnej pěśni »*Za Kańćom za górami*« (1925) a w studiji wo pěśni »*Stawaj mi, stawaj, pohončo!*« (1926).¹¹⁾

Druhe wědomostne wotrjady njejsu tak zastupjene kaž rěčespyt a literarna historija. Pola naroda, kotryž njewobsedži swojich šulow, hinak tomu


¹¹⁾ Wo nuznosći dokładneho wědomostneho přepytowanja serbskeje ludoweje prozaiskeje literatury přednošowaše *Józ. Páta* na 1. zjezdu słowj. filologow w Praze 1929. Přednošk wuńdže we Zběrniku zjezdowych dźěłow II. w Praze 1931: *Lužickoserbská lidová podání prosaická.* – Z němskich dźěłow wo serbskim narodopisu najwažniše su: *W. Frentzelowa* bibliografija »*Das vorgeschichtlich-volkskundliche Schrifttum der Oberlausitz seit 1920, I* (1929), dale nowe wudaće *W. v. Schulenburgoweje* knihi *Wendische Volkssagen und Gebräuche aus dem Spreewald* (1930), wosebje pak swědomite a přirunowace *Edm. Schneewisowe* »*Feste und Volksbräuche der Lausitzer Wenden*« (1931).



Witold Taszycki

być njemóže. A tola namakamy tu dobru starožitnisku studiju »Wo łužiskim prawěku« (Čas. Mać. Serb. 1925), napisanu wot *J. Křižanka=Wo otrowskeho*, dale knižku »Wo otrow=Łužiska Troja« (1922), w kotrejž podawa *P. Šořta* starožitno-historiski narys stawiznow městna, na kotremž je so hižo wjele drohotneho wukopało. Historiju z džiwanjom na kulturne a socialne stawizny wothladuje jako swoje hłowne wědomostne polo *J. Wjacławsk*, ale nimo nastawkow w Čas. Mać. Serb. a we »Łužicy« wosebiteje knihi dotal wudał njeje. Z dobrymi přinoškami za serbske stawizny su tu hižo na samem započatku naspomnjene *Brylowe »Serbske stawizny«* z l. 1920 a monografija »*Serbski dom w Budyšinje*« z l. 1924, kotruž derje wudošpołnjeja *Mukowe »Zapiski Maćicy Serbskeje«*

Jakub
Wjacławk




l. 1924. Z tajkim přinoškóm su tež »Wobrazy z cyrkwinskih stawiznow katolskich Serbow« (1921), kotrež bě radwoŕski faraŕ Jakub Nowak-Neander 37 lět hromadził. Škoda, zo njeje autor naspomnił žórła, z kotrychž bě čerpał, z čimž by zmóžnił kontrolu a zdobom pokazał młódsim slědžerjam prawy puć. Wažne su tež J. Handrikowe »Stawizny serbskeho seminara« w Prazy (1930). W Delnjej Łužicy wočišća B. Šwela swoje wukłaŕdowanja »Waldensaŕe. Jan Hus« (1921). Domiznowědna publikacija, nimo měry pyšnje wuhotowana, je kniha P. Romualda Domaški »Tysac lět hnadowne městno Róžant«, čišćane w katolskej čišćeŕni Donnerhakec w Budyšinje 1928; zdobom wuńdze tež němske wudaće w Drježdžanach, přibližowace zajimcam jara zdobnje najslawniše — a

Leopold Lénard



jeničke — serbske katolske hnadowne městno Róžant, při čimž nadrobnje wopisowane dawne džiwy skutkuja na džensnišeho čitarja kaž lubozny anachronizmus. Na serbskich historikow stajnje hišće čaka nadawk noweho wudaća *Bogusławskeho-Hórnikoweje* »Historije serbskeho naroda« (1884), dawno rozpredateje a zastarjeneje. Na přirodospytnem polu wuznamjenja so po M. Rostoku najlěpši serbski wotrjadnik, entomolog K. B. Šěca (rodź. 1858), kotryž je pódla swojich studijow w Čas. Mać. Serb. (1927—28) wudał swoje popularne přednoški »Čłowjek w přirodže« we dvěmaj zwjazkomaj (1925 a 1926), kiž wudospołni ze swojimi wobkedźbowanjemi w cuzbje w knizy »Na dalokich pućach« (1927). Runje tak wo dalokich cuzych swětach powěda Jakub Nowak

Jurij Wićaz



(*Neander*) radwoŕski we swojich »*Pućowańskich dopomnjeńkach*« (1930). Rjane přirodopisne, pućopisne a druhe nastawki piše moleŕ *Měrcin Nowak*, dobry stylist.

Hewak tež tu dopjelnjuja přełožki požadane wědomosće. Z pomocnikami noweho hibanja buchu předewšěm přełožki *Pátoweje »Łužicy«* z lěta 1919, a to přeni delnjoserbski wučah wot *B. Ladka* w lěće 1920, samsneho lěta wudospołnjeny hornjoserbski přełožk *J. Wićaza*, na to pak w lěće 1923 dospołny delnjoserbski přełožk wot *Miny Witkojc*. Po nich scěhowaštej dwaj přełožkaj ze šěrokimi słowjańskimi wobzorami z *T. G. Masaryka: Nowa Europa* (Budyšin 1922; z njetrjebawšimi wušmórkami w teksće) a »*Słowjenjo po wójnje*« (1923). Woboje přełoži *Jurij Wićaz*. Nimo toho woćišća

M. Krječmař přeložk »Sokołstwo a Słowjanstwo« wot Józ. Páty (1924) a H. Šleca Tyršowy čěložwučowański system, předžěłany za serbske poměry (*Serbski čěložwučowański system*, jako 1. čisło noweje Sokołskeje knihownje (1927). K tysacletnemu wopomnjeću matrafskeje smjerce českeho narodneho swjateho přełoži J. Henčl *Dvorníkowe Žiwjenje swjateho Wjacława* (1929).

Drobne přełožki mjeńšich studijow a nastawkow ze wšěch wotrjadow wědy nadeńdzemy we wšěch serbskich časopisach. Mjez nimi nadeńdzemy tež přełožki z *Niederlowych Słowjanskich starožitnosćow* (*Serbski Student* 1926), z *Máchaloweho Słowjanskeho bajepisa* (tam tež 1926 a d.), z *Masarykowych filosofiskich rozważowanjow* (w samsnem časopisu 1926), dale z nahladow *Kramářowych* (tam tež 1929), štož přełožichu studenca *Měrcin Nowak, Jurij Henčl* a druzy, pokazuju z tym prócowanje wo rozšěrjenje skromnych domjacych wobzorow, wjazanych hewak z němskej psychologiju a filozofiju. Kedžbyhódne je, kak młodži Serbja swoje nazhonjenja domjacym wobstejnosćam a srjedźišću připodobnić zamóža, wosebje na polu počahow z wjesnym ludom, z kotrehož tež wuńdžechu a kotremuž so po času mnozy wocuzbnja a wotrodžeja. Tu móže so tež zdomom naspomnić, zo serbska studowaca młodžina, hnydom po wobnowjenju Zwjazka luž. serb. studentstwa hladaše za tym, kak džěła druhe słowjanske studentstwo.

Serbske wumjełstwo.

Serbske wumjełstwo haji dale swoju dobru tradiciju na polu *pěsnje* a *hudźby* hižo wot časow narodneho wozrodženja. Zwjazk spěwańskich towařstwow, kotryž je z płaćiwym sobustawom Zwjazka słowjanskich spěwarjow, wuhotuje kóždolětnje swoje radžene produkcije w Budyšinje a je tež w Českej z někotrych zajězdow derje znaty. Wulke bohatstwo narodnych pěsnjow, znate z klasiskeje *Smolerjoweje* zběrki z lěta 1841 a 1843, bu pozdžišo z dalšimi zběrkami wot *A. Muki*, *Adolfa Černeho* a wosebje wot *Ludwika Kuby* rozmnožene. L. Kuba zdobom tež serbske pěsnje w najlepšim wubjerku zharmonizowa do swojeho *Słowjanstwa we swóych spěwach (Slovanstvo ve svých zpěvech, zwj. V. 1885–87)* a znowa připrawi w českej zběrcy »*Lužickosrbské písně*« za spěw a klawěr (1921). Ludwik Kuba wočišća we lěće 1922 jara powučace hudźbne a narodopisne rozważowanje wo pěsni lužiskich Serbow (*Píseň lužických Srbů*) a zhromadzi wjele maćizny k studiju wo serbskim ludowem wumjełstwje w rjanej knižcy »*Čtení o Lužici*« (1925).¹²⁾ Tež serbscy komponišća załožuja swoje składby na krasnych na-


¹²⁾ Přir. *Józ. Páta*, Ludvík Kuba, Praha 1926.



Wëkosław Bučar


rodných pěsnjach, kotrež [harmonizuja a připra-
wjeja za solowe a khórowe spěwy. Tak *Jurij
Pilk* (1858–1926), autor přenjeje radženeje serb-
skeje opery »*Smjertnica*«, přihotowa 34 narod-
nych pěsnjow za měšane khóry w zběrcy »*Dobry
wječor*« (Budyšin 1924). Tež *Bjarnat Krawc* (rodź.
w Jitru 1861) wuda hižo w léce 1921 zběrku
»*Zerja*«, wobsahowacu 25 narodnych spěwow za
měšane khóry, w léce 1923 wuda dalšu zběrku
30 pěsnjow »*Wulka lubosc*«, zaso za měšane khóry,
w léce 1925 zběrku 50 duetow w knižcy »*Žór-
leško*«, w l. 1926 wulku zběrku »*33 serbskich
narodnych spěwow za jedyn hlós z přewodom na
klawěr*« (tež z němskim napisom a z němskim pře-
ložkom), dale w l. 1929 dvě zběrcy: *Škowrončk ze
serbskich honow* a *Słónčne pruhi* a najnowišo zhro-

Korla Bohuwěr
Šěca



madnje z *M. Nawku* wubjerny serbski spěwnik za šulu: *Naše spěwy* (I.—II., 1930—31). B. Krawc wuda tež zhromadnje z *M. Lešawic* rjane serbske narodne reje: *Wjerc mje pola herca!* (1930). Krawcowych edicijow, samsnych kompozicijow, pěsnjow, khórow a symfoniskich składbow mamy hižo wyše poł sta. Je to dopokaz woprawdźiteho wumjelstwa, wulkeje wobdarjenosće, moderneho składa a ryzy słowjanskeho kharaktera. B. Krawc załoži tež přeni serbski hudźbny list »Škowrončk ze serbskich honow« (přiłoha »Łužicy« w l. 1926—28), kotryž, bohužel, po dwěmaj lětomaj zańdže. Krawc zhódnosći tež džěła swojeju předkhadnikow, składnikow *K. A. Kocora* (w monografiji, wočišćanej z Mukowym Zejlerjom l. 1923) a *J. Pilka* (w Časopisu *Mać. Serb.* 1926) a nimo toho napisa časowe

Bjarnat Krawc




rozważowanie wo *B. Smetanje a Łužicy* («Łužica» 1923; w nowem wobdźěłanju wuńdže w čěskim přełožku wot *J. Cyža=Wł. Zmeškala* w Čěsko-łuž. knihowničcy 1924). Krawcowe pěsnjowe studije z folkloristiskeho stejnišća su hižo prjedy naspomnjene.¹³⁾

Spisowaćel a składnik *J. Słodeńk* woćišća l. 1927 hižo 4. wudaće *Fiedlerjoweho=Rječkoweho* »*Towařšneho spēwnika*«. Drobne kompozicije na wosebitych listach słuža stajnje potrebje mnohich spēwařskich towařstwow w Hornjej Łužicy. Sokołskim jednotam zestaja *H. Šleca* »*Sokołski spēwnik*« w l. 1926, bohužel bjez melodijow. Wuńdžechu nowe evang. *Spěwařske knihi* (1930), a tež 4. wud. katolskeho *Pobožneho Wosadnika* (1929).

¹³⁾ Přir. dr. *J. Kefer*, *Bjarnat Krawc*. K sedmdesátinám luž. hud. skladatele a spisowatele, Praha 1931. Čěsko-łuž.knih. č. 16.

Ludwik Kuba



W Delnjej Łužicy přećišća B. Šwela stary Jordanowy spěwničk »*Nowe a stare serbske arije*« (1921), kaž tež »*Wěnašk gódownych spiwańow*« wot samsneho autora (1922). Nimo toho připrawi Mina Witkojc delnjoserbske wudaće Krawcoweje zběrki »*Welika lubosć*« (1923) a Pilkoweje »*Dobry wjacor*« (1925). Samostatny delnjoserbski składnik zjewi so hakle njedawno w harmonizatoru narodnych pěsnjow, kantoru M. Gólašu z Bórkow, dirigentu delnjoserbskeho wjerbnjanskeho spěwaškeho towařstwa.

Łužica po přewróće wupłodźi skónčnje tež domjacych *moleřskich* wumjełcow. Pisana Łužica, porjeńšena wosebje z narodnymi drastami, je wabiła hižo dawno němskich mištrow, na př. W. Krausa a dr. Woprawdže mištrowscy bu zwěčnjena wot

českeho molerja *Ludwika Kuby* w jeho krasnej serbskej galeriji, kotruž znajemy z rjanych reprodukcijow w jeho »*Čitanju wo Łužicy*« (1925) a na pohladnicach. Rjana Łužica zaja słowjenskeho molerja *Ante Trstenjaka* (wobrazy, pohladnicy, triptych *Hołd serbskim wótčincam*) a zaja skónčnje tež młodu serbsku generaciju. Z njeje wukhadža na přenim městnje *Měrcin Nowak=Njehorński* (rodź. w Njehornju 1900).

Měrcin Nowak hižo při wowcynych bajkach ze swojej přirodženej wobdarjenosću rysowaše pozdźiwne postawy serbskich mytiskich bytosćow, kaž wódneho muža, khodojtu, připołdnicu a druhe. *Nowak* poda so pozdžišo na wumjełske akademije do Prahi (wosebje nasrěba wjele wotrjadneje zdźělanosće pola mištra *Šwabinskeho*), a do *Warsawy* (hdžež bu mištr *Skoczylas* z jeho najlěpšim wučerjom). Wot lěta 1925 sem podawa wšelake rjane drjeworězki ze serbskeho žiwjenja a typiske rysowanki, z kotrymiž debi serbske knihi. Jeho drjeworězki k »*Ruskim bylinam*« wuda *Wł. Zmeškal* samostatnje jako přenje serbske wumjełske album pod napisom »*Serbske wumjełstwo*« (1927). Nimo toho wuńdžeštej na pohladnicach samostatnje dvě seriji *Nowakowych* rysowankow ze serbskeje domowiny (1927—28). *M. Nowak* pokaza tež žiwy zmysł za serbske džěci z rysowankami w *Nawkowem* abejceju »*Na wsy — za wsu*« (1925) a w přenjej wumjełskej knižcy za najmłódšich *Serbow* a *Serbowki*: »*Džěcatka, hladajće, kajke tu rjanosće*« (1928). *Nowakowe* wobrazy a wobrazki buchu z připóznaćom přijimane na wšěch jeho dotalnych wustajeńcach, kotrež měješe w *Němskej*, we *Łužicy*, *Českosłowakskej*, *Južnosłowjanskej* a dr. Pokazki z *Nowakoweho* džěła podawa *Józ. Páta* w českej monografiji »*Lužickoserbský malíř Martin*

Nowak« (Praha 1930), hdžež je zajimawy Nowakowy nastawk: Jako so »domoj« namakach, a hdžež je tež Nowakowe molefske džěło pohódnoscene.¹⁴⁾ Bohužel, wjele spisowacelskeho a narodneho džěła zadžewa młodemu serbskemu molerjej w jeho wumjełskim postupje.

Podobnu ilustracijnu grafiku kaž M. Nowak pěstuje tež *Hanka Krawcec* w Hornjej Łužicy a *Fryco Latk* w Delnjej Łužicy. Wosebje něžne rysowanki H. Krawcec (džowki hudźbneho mištra B. Krawca), jeje wutřihowanki, drjeworězy a wobrazki přilubjeja dalši postup tuteje wobdaryjeneje molefki. Wěste je, zo tež serbske molefske wumjełstwo kroči dalši puć k hižo dawno žedženym wuspěcham, čím skerje, zo rjana Łužica sej stajnje hišće nowych česćowarjow dobywa. Nadawki, kotrež wočakuja serbskich wumjełcow džensnišeje doby, narysowa nam jasnje Měrćin Nowak we swoim Maćičnem přednošku »*Nadawki serbskeho wumjełstwa*« (Woćišćane w Časopisu Maćicy Serbskeje 1928). Skónčnje móže so hišće naspoćnić M. Corrowe album *Nowe staciony na khróšćanskim kerchowje* (1930), kotrež je dał w Drježdžanach wuhotowić khróšćanski farať Jurij Šewčik.

¹⁴⁾ Přir. tež Jos. Páta, *Deux peintres de la Lusace: Měrćin Nowak — Ante Trstenjak*, Pariz 1931. Ze zawodom franc. spisowacelki M. de Vaux Phalipau.

DOSŁOWO.

Ze wšeho, štož je tudy z krótka naspomnjene, dostanjemy zawěsće dosć dobry wobraz džensnišeho kulturneho žiwjenja łužiskich Serbow. Knihi a časopisy, kotrež wukhadžeja, rozeńdu so po cyłej Łužicy do rukow jednotliwcow a towaštwow, kotrymž su ze stajnym žórłom pomocy a trošta w jich ćežkim wojowanju wo narodny swojoraz a wo cyłe byće naroda. Najebać toho, zo su Serbja nastajnje wot němskeho knježerstwa podtlóčowani a přez měru wohroženi, štož je čím strašniše, zo Němcy nochcedža ani džensa Serbow připóznać jako narodnu mjeńšinu, widźimy w jich kulturnem prócowanju woprawdžity postup a wjelestronske rozmnoženje. Dosaha, přirunamy-li serbske literarne wupłody do swětoweje wójny z tymi, kotrež so pokazachu w běhu třinaće lět po wójnje: nastachu nowe časopisy, dotalne pak buchu wudospołnjene a rozmnožene, k štyrjom starym knihownjam (k naspomnjenymaj Mukowymaj, k Deleńkowej a dźiwadłowej M. Smolerjowej, kotraž na započatku swětoweje wójny zańdže) přiby wósom hornjołužiskich knihownjow (*Wědomostne Rozprawy*, *Dom a swět*, *Słowjanske Rozhlady*, *Serbska dźiwadłowa zběrka [Domowiny]*, *Lutkowe [klankowe] dźiwadło*, *Zběrka hodownych dźiwadłow za dźěci*,


Sokołska knihownja, Sokołska dźiwadłowa zběrka) a dvě přenjej delnjołužiskej knihowni (*Serbska knigłownja; Dołojcnoserbske žiwadłowne gry*), hromadže 13 zběrkow, časćišo wudawaja so samostatne knihi, kaž tež přełožki. Do swětoweje wójny wuńdže jeničcy Pfulowy słownik (l. 1866) a po přewróće hnydom dwaj mjeńšej přiručnej (Muka) a dwaj wědomostnej wulkej słownikaj (Rězak, Kral) a nimo tutych z pomocu Słowjanow hobrski wědomostny Mukowy słownik delnjoserbski. Hač do swětoweje wójny wuda Muka we swojej Serbskej knihowni w běhu 13 lět 5 zwjazkow a za džesać lět po přewróće 21 zwjazkow, podobnje wuda we swojej dźiwadłowej zběrcy w běhu 35 lět 20 zwjazkow, a po přewróće 13 zwjazkow. K tomu přizamkuje so 13 dźiwadłowych kruchow »Domowiny«, 21 zwjazkow knihownje »Dom a swět«, 12 zwjazkow Delnjoserbskeje knihownje, 6 zwjazkow Słowjanskich Rozhladow a dotalne zwjazki zbytnych knihownjow.¹⁵⁾ Dale rozmnožichu so tež zběrki serbskich pěsnjow a zjewichu so domjacy wumjełcy-molerjo.

Zdobom powjetši so towařstwowa skutkownosć, stare towařstwa so skrućichu a załožichu so nowe.¹⁶⁾

¹⁵⁾ W pražskej Česko-łužiskej knihowničcy wuńdže 17 zwjazkow, kotrež wobsahuja wjele drohotneje maćizny k poznaću serbskeho luda a jeho kultury.

¹⁶⁾ Přir. P. Krječmař, Zapis serbskich towařstwow, zjednoćenstwow a zwjazkow. Wudawk A.: Našim sobustawam. — Wudawk B.: Našej serbskej młodžinje. Budyšin 1931. — Nimo naspomnjenych hižo spisowacelow a džělačerjow móže so tu hišće přispomnić džělawasć rady dra A. Hermana, předsydy Maćicy Serbskeje w Budyšinje, a far. W. Noweho, předsydy Maćicy w Khoćebuzu, far. J. Cyža-Hajničanskeho w Serbskej ludowej radže, far. J. Křižana w Domowinje, J. Šajby, J. Měškanka a G. Janaka w serbskim Sokole, far. J. Šewčika, J. Delana a mnohich druhich w Łužicy Hornjej, far. Benj. Biegerja a kantora K. Jordana w Łužicy Delnjej atd.

Ante Trstenjak



Wosebje nadźijne su sokołske jednoty wot l. 1920, kotrež maju kulturny narodno-wukubłowacy program, kajkiž maju prjedawše a nowiše studentske towařstwa, spěwařske towařstwa, wšelake Bjesady a skónčnje tež hospodařske towařstwa, kotrež so wšě na nowje wutworjene zwjazki zepjeraju, nad kotrymiž steji wšotowařstwowy zwjazk »Domo-wina«, abo zdomom pytaju zepjeru w podobnych zwjazkach druhich słowjanskich narodow. Wulkeje wažnosće su postupy na polu hospodařskeho a pjenježneho wosamostatnjenja ze załoženjom Serbskeje ludoweje banki w Budyšinje z wotnóžkomaj w Khoćebuzu a we Wojerecach, a z mnohimi agenturami na serbskich wsach, dale samsne hospodařske a zawěšćeńske pokładnje, štož wšitko móže podpjerać rozwiće domjaceje kultury a skrućić na-

Měrcin Nowak



rodneho ducha. Hdyž su Serbja hižo we svojich česnych, mohł rjec jastwownych poměrach w přnim lětdžesatku po přewróće tak wjele dokonjeli — při nimale žanych wuhladach na bórzowne polěpšenje swojeho položnja — a při nětčišej zatrašnej hospo-
dařskej nuzy, što bychu potom dokonjeli, hdy bychu měli svoje šule a kulturnu samostatnosć! Dotalne serbske kulturne džěło služi zwjetša narodnej mysličcy, samostatne kulturne džěło by tež wjacym wumjetstwu słužić mohło.

Tuž je bjez džiwa, zo serbski postup po přewróće zbudži wulku kedźbnosć w cyłym słowjanskim a tež dalšim swěće, zo přiběraju samostatne džěła wo Serbach, kotrychž Francózojo mjenuja »narod matra-
rjow« (A. Vierset, Un peuple martyr, Brussel 1923), zo so množa přeceljo tutych słowjanskich »zbytkow

tysačlětneho wojowanja« mjez wšěmi Słowjanami, hdžež wosebite towařstwa skutkuja na polu kultur-
neje wzajomnosće ze Serbami a hdžež se wjele
wo Serbach piše a přednošuje.¹⁷⁾ *Njeh jenož Serbja
sami kruće a přezjene dale džěłaju na narodnem
polu, njeh haja wutrajnje dale swoju narodnu
kulturu, swoju ródnu zemju, wěru a wótcowsku rěč,
serbski narodny swojoraz! Potom dopjelni so wěsće
słowo pěsnjerjowe: Serbja, Serbja wostanu, Serbja
dobudu!*

¹⁷⁾ Přir. Józ. Maštálko, Lužičtí Srbové (1924); — Wł. Mičan, Luž. Srbové (1924); Obrázky z Horní a Dolní Lužice (1926); — Wł. Zmeškal, Patnáct let Českoluž. spolku »Ad. Černý« v Praze 1907—1922 (1923); Luž. Srbové a Sokolstvo (1926); Národnostní poměry v Lužici (1929); přewodnik Slovanskou Lužicí (1930), Deset let Sokola v Lužici (1930) a dr.; — J. Kapras, Lužice jako menšina (1927); — W. Taszycki, Łużycanie po wojnie (1923); — M. Vlahović, Luž. Srbi (1930); — Vek. Bučar, Kod Lužičkih Srba (1930); — L. Lénard, Srpstvo u poeziji luž. Srba (1930); — M. de Vaux Phalipau, Légendes et coutumes de Haute et de Basse Lusace (1927); La littérature des Serbes de Lusace (1929) a dr.; — bołhařski přeložk *Pátoweje Łužicy wot St. Ognjanova* (Sofija 1924); rumunski přednošk J. Müllera: *Cehosłowacia šì Lujița* (Sibiń 1927), drobne khorwatske nastawki *Franja Bučara*, pólske přispoznjenja *H. Batowskeho*, nastawki a referaty ruskeho slawisty *M. Vl. Kulmana*, italskeho slawisty *A. Croni*, ukrajinskeho sociologa *H. Boczkowskeho*, bołharskeju slawistow *B. Jocova* a *St. Mladenova*, francózskeho spisowačela *G. Chéresta*, amerikanskeho slawisty *Livingstona Portera* a druhich, wo kotrychž so rěči w *Pátowem Zawodže* do studija serbskeho pismowstwa, Budyšin 1929, a kotrychž džěła so zapisuja w pražskim *Łužiskoserbskim Wěstniku* (*Lužickoserbský Věstník*) wot 1. 1920.

ZAPIS MJENOW.

- Andricki Mikławš (* 30. V. 1871 w Pančicach, † 18. XII. 1908 w Žitawje) 8, 9, 47, 52, 54, 70, 71
 Anton K. G. 67
 Aškerc Anton 49
- Baar J. Š. 53
 Babánek K. 27
 Bart Arnošt (* 29. VIII. 1870 w Lětonju p. Poršic) 10, 11, 15, 25
 Batowski H. (* 12. V. 1907 we Lwowje w Pólskej) 90
 Bezruč Pětr 9, 21, 22, 49
 Bieger [Běgař] Benj. (* 1874 w Drjenowje pola Picnja w Delnjej Łužicy) 87
 Bjedrich = Radlubin Mikławš (* 29. IX. 1859 w Smjerdzacej p. Róžanta, † 3. VII. 1930 we Worklecach) 39, 54
 Bjedrich = Wjeleměr Michał (* 23. XII. 1855 we Smjerdzacej, † 12. VIII. 1876 w Pěskecach) 25
 Boczkowski H. 90
 Bogensee J. 29
 Bogusławski W. 76
 Bosch = Fidus 54
 Brósk J. (* 30. VIII. 1889 w Hórkach p. Khróscic) 55
 Bryl (Serbin) Jan (* 29. III. 1879 we Starej Cyhelnicy, † 30. XII. 1931 w Budyšinje) 3, 11, 13, 15, 16, 44, 52, 54, 71, 72, 74
 Březina Otokar 49
 Bučar Franjo (* 25. XI. 1866 w Zahrjebje w Jugoslawiji) 90
 Bučar Wěkosław 90
- Cankar Ivan 53
 Cerna Herbert 48
 Corr M. 85
 Cronia Artur 90
 Cyž Beno (* 19. XI. 1891 we Wotrowje) 53
 Cyž Jan (* 13. I. 1898 w Žuricach) 82
 Cyž = Hajničanski Jan (* 19. XII. 1883 we Wotrowje) 18, 87
- Černý Adolf (* 19. VIII. 1864 w Hradcu Král. w Čěskej) 12, 51, 54, 72, 79
- Čišinski (Bart) Jakub (* 20. VIII. 1856 w Kukowje, † 16. X. 1909 w Pančicach)

- 8, 17, 24, 25, 32, 37, 40, 41,
49, 70, 72
- Delan Jurij** (* 6. VIII. 1878
w Časecach) 71, 87
- Delenk Jurij** (* 22. IV. 1882
we Wutołčicach, † 11. IV.
1918 w bitwje pola Ploeg-
steert) 9, 17, 86
- Dobrovský Józ.** 71
- Domaš Kempenski** 90
- Domaš Pawoł, pseud. Mik-
ławša Hajny** 44
- Domaška Romuald [Ilsan]**
(* 28. VII. 1869 w Koslowje)
42–44, 46, 47, 75
- Domaškojc-Cazojska Marjana**
(* 28. II. 1872 w Cazowje
w Delnjej Łužicy) 37, 48
- Dostojewskij F. M.** 52
- Dvorník Fr.** 78
- Erben K. J.** 49
- Fiedler K. A.** (* 15. IX. 1835
w Njezdašecach pola Ho-
džija, † 16. V. 1917 w Bu-
dyšinje) 46, 68, 82
- Frencel Michał** (* 21. II. 1628
w Běčicach pola Hodžija,
† 29. VI. 1706 w Budeste-
cach) 7, 70
- Frentzel W.** 73
- Gogol N. K.** 52
- Gólaš Max** (* 20. XII. 1894
w Bórkowach w Delnjej
Łužicy) 83
- Hajna Felix** (* 15. VIII. 1901
w Konjecach) 45
- Hajna Mikławš** (* 29. X. 1876
w Kúkowje) 45, 47
- Hajnca Jan** (* 13. XI. 1852
w Njeswačidle, † 31. III.
1926 we Wjelečinje) 69
- Handrik Jurij** (* 10. III. 1897
w Jaseńcy) 45, 55, 75
- Hantšo Slepjanski Hajno** 60
- Hartmann von Aue** 41
- Heine H.** 49
- Henčl Jurij** (* 6. VIII. 1905
w Kozarcach p. Khróšćic)
56, 78
- Herites Fr.** 52
- Herman Arnošt** (* 28. I. 1871
we Wuricach pola Budy-
šina) 71, 87
- Herrmann Ignát** 52
- Holan A.** (* 29. XII. 1882
w Janecach p. Hodžija) 51
- Holeček Józ.** 53
- Homer** 48
- Honoré de Balzac** 53
- Hoenicke C.** 68
- Hórnik Michał** (* 1. IX. 1833
we Worklecach, † 22. II. 1894
w Budyšinje) 8, 21, 50, 76
- Hrodžišćanski (Jěški) Jurij** 52
- Hugo W.** 53
- Hurt Fr.** 56
- Hus Jan** 75
- Chérest G.** 90
- Chlumský Józ.** (* 23. I. 1871
w Nowych Dworach pola
Lomnice n. P. w Čěskej) 68
- Chocholoušek P.** 54
- Ilsan, hl. Domaška Romuald**
42
- Jahoda J.** 55
- Jakubaš Józef** (* 15. XI. 1890
w Bójswecach) 50
- Janak Gustaw** (* 16. X. 1895
w Čělnom) 87
- Jenč K. A.** (* 8. X. 1828
w Čornowje pola Bukec,
† 15. III. 1895 w Palowje) 71

- Jěški Jurij, pseud. Hrodzišćanski 52
 Jirásek Alois 51
 Jocov Boris 90
 Jordan Heinrich (* 20. II. 1841 w Čělnom, † 3. III. 1910 w Popojcach) 44, 83
 Jordan Korla (* 25. V. 1885 w Popojcach w Delnjej Łužicy) 87.
 Jórdan J. Pětr (* 15. II. 1818 w Čěškecach, † 20. V. 1891 we Winju w Rakuskej) 70
 Just M. (* 11. VIII. 1855 w Kukowje) 45
- Kapras Jan (* 17. I. 1850 w Brnje w Morawskej) 12, 90
 Kefer Jan 82
 Klášterský Ant. 23
 Klecanda J. 52
 Klicpera Iw. 52
 Klostermann K. 52
 Kocor K. A. (* 3. XII. 1822 w Zahorju pola Budestec, † 19. V. 1904 w Ketlicach) 81
 Kokla Michał (* 25. X. 1840 we Worklecach, † 29. VIII. 1922 w Khróscicach) 10
 Kolda Malínský 47
 Kollár Jan 49, 69
 Kósyk Mato (* 18. VI. 1853 we Wjerbnje w Delnjej Łužicy) 8, 33–34, 37
 Kral Jurij (* 16. IV. 1864 w Radworju) 60, 62–63, 66, 87
 Kral-Rachlowc Franc (* 26. XI. 1886 w Radworju, † 25. IX. 1915 pola Loos a wotpočuje w Lensu we Francózskej) 9, 25, 45
 Kramář K. 78
 Kraus W. 83
 Krawc Bjarnat (* 5. II. 1861 w Jitru pola Kamjenca) 14, 33, 56, 73, 80–82, 83
 Krawcec Hanka (* 13. III. 1903 w Drježdžanach) 85
 Krječmař Mikławš (* 6. IX. 1891 w Khasowje) 52, 53, 70, 72, 78
 Krječmař Pawoł (* 13. IX. 1898 w Budyšinje) 33, 87
 Křižan J. [=Klukšanski] (* 23. II. 1880 w Hodźiju) 71, 87
 Křižank-Wotrowski Jurij (* 6. VIII. 1868 w Budyšinje) 74
 Kuba L. (* 16. IV. 1863 w Poďěbradach w Čěskej) 79, 84
 Kubašec Marja (* 7. III. 1890 w Khasowje) 41–42, 45, 55
 Kuřman Vl. M. 90
 Kvapil Jar. 55
- Ladk B. 77
 Lajnert Jan (* 22. V. 1892 w Rakecach) 29–32
 Latk Fryco (* 7. II. 1895 w Nowej Wsy p. Picnja w Delnjej Łužicy) 33, 85
 Lehmann Rud. 72
 Lešawic M. (* 14. IX. 1906 w Drježdžanach) 81
 Lénard L. (* 2. XI. 1879 we Svibnje w Słowjeńskej w Jugosławiji) 90
 Lěska Česław (* 13. VI. 1911 w Poznanju w Pólskej) 6
 Libš Jurij (* 17. IX. 1857 w Miłóćicach, † 29. III. 1927 w Budyšinje) 9, 13, 39, 50, 52, 66
 Lorenc-Zalěski Jak. (* 18. VII. 1874 w Radworju) 40–41
- Máchal Jan 78
 Masaryk T. G. 8, 25, 72, 77, 78
 Maštálko Józ. 90
 Meško Ksaver 37

- Meyer K. H. 68
 Měškank Jan (* 23. VII. 1905
 w Bronju p. Radworja) 87
 Mickiewicz Adam 49
 Mičan Wl. 90
 Mladenov St. 90
 Mrštík Alois 56
 Mrštík Vilém 56
 Mučink Jan Bohuwěr [Hori-
 sław] (* 12. IX. 1821 w Nje-
 chanju pola Lubija, † 24. I.
 1904 w Zemicach) 40
 Muka Arnošt (* 10. IV. 1854
 we Wulkim Wosyku) 8, 9,
 13, 16, 17, 18, 47, 52, 55,
 57, 58–61, 66, 69, 70, 72,
 74, 79, 81, 86, 87
 Murko M. 67, 71
 Müller J. 90
- Nawka Michał (* 22. XI. 1885
 w Radworju) 9, 15, 33, 46,
 56, 64–65, 66, 70, 72, 81, 84
 Neander, hl. Nowak=Horjan-
 ski Jakub 75
 Neruda Jan 52
 Němcová Božena 50, 53, 54
 Niederle L. 78
 Njekrasov N. A. 49
 Nováková Teréza 52
 Nowak=Horjanski Jakub [Ne-
 ander] (* 2. VI. 1864 w Horje
 p. Budyšina) 45, 75, 76–77
 Nowak Józef (* 5. I. 1895
 we Wotrowje) 9, 10, 13,
 19–25, 33, 45, 49
 Nowak Měrćin (* 13. VI. 1900
 w Njehornju pola Pomořc)
 33, 44, 52, 64, 77, 78, 84–85
 Nowy=Bórkowski H. (* 26. XII.
 1871 w Bórkowach w Del-
 nej Łužicy) 47–48
 Nowy Wylem (* 15. I. 1870
 w Bórkowach w Delnej
 Łužicy) 87
- Ognjanov St. 90
- Pakosta Loučenský 55
 Páta Józef (* 27. VIII. 1886
 w Litomyšlu w Českej) 3,
 6, 8, 12, 44, 52, 56, 58, 67,
 68, 71, 73, 77, 78, 79, 84,
 85, 90
 Pelíšek Josef 37
 Pernot H. 68
 Pětr Wulki 7
 Pful Kř. (* 28. III. 1825 w Při-
 šecach, † 21. XII. 1889 w Nje-
 swačidle) 87
 Pilik Jurij (* 22. V. 1858 w Ho-
 džiju, † 21. IV. 1926 w Drjež-
 džanach) 80, 81, 83
 Porter Livingstone (* 6. X.
 1894 w Prazy) 90
 Preradović Pětr 23
- Rachlowc, hl. Kral Franc 45
 Rězák Filip (* 22. IV. 1859
 we Wuricach p. Budyšina,
 † 17. IX. 1921 w Drježdža-
 nach) 50, 61–62, 87
 Rězbařk K. [Röseberg] (* 18. I.
 1880 w Budvšinku) 70
 Rječka Jan (* 4. II. 1878
 w Małych Bobolcach pola
 Mnišonca, † 13. VIII. 1915
 je padnył pola Modlina,
 Novo=Georgiewska) 82
 Rocha Fryco (* 1863 w Šejn-
 hejže w Delnej Łužicy)
 16, 34, 37
 Rokyta Jan (Černý Adolf) 37
 Rosegger Pětr 52
 Rostok M. (* 21. IV. 1821
 w Bělšecach, † 17. IX. 1893
 w Huscy) 76
 Royová Kristina 51, 52, 53
- Sáková Terezija 25
 Serb (Srb)=Chejnicański W.

- (* 20. XII. 1901 w Chejnicach pola Prahi w Českej) 6, 37, 49
- Schneeweis Edmund (* 31. VII. 1886 w Rozstánju w Morawskej) 73
- Schulenburg v. W. 73
- Sienkiewicz Henryk 40, 52, 53
- Skala Jan (* 17. VI. 1899 w Njebjelčicach) 5, 9, 16, 25–29, 44, 49
- Skoczylas Wład. 84
- Sládek J. W. 49
- Sládkovič O 26
- Słodeńk Jurij (* 4. XI. 1873 w Pančicach) 44, 45, 82
- Smetana B. 82
- Smolef Jan Arnošt (* 3. III. 1816 w Łuču, † 13. VI. 1884 w Budyšinje) 8, 9, 21, 71, 79
- Smolef Marko (* 21. XII. 1857 w Budyšinje) 15, 86
- Stangec M. 68
- Svoboda Fr. X. 55
- Symank Jan (* 19. V. 1860 we Wotrowje) 14, 58, 73
- Šajba Jakub (* 11. VI. 1899 w Dobrošecach pola Njeswačidla) 87
- Šamberk Fr. Ferd. 55
- Šewčik Jakub (* 6. IX. 1867 w Baćonju) 85, 87
- Šěca K. B. (* 26. VIII. 1858 w Klukšu) 76
- Šěca (Šur) Jan (* 1883) 49
- Šleca H. (* 7. VII. 1897 w Droždźiju pola Budyšina) 70, 78, 82
- Šołta Beno (* 16. X. 1891 w Radworju) 67
- Šołta Jurij (* 18. XI. 1886 w Radworju) 65
- Šołta Pawoł (* 6. III. 1875 we Wotrowje) 74
- Šubrt Fr. Ad. 42, 55
- Šur Jan, hl. Šěca Jan 49
- Švabinský Max 84
- Šwela Bogumił (* 5. IX. 1873 we Skjarbošcu w Delnjej Łužicy) 6, 8, 12, 16, 17, 18, 33, 44, 53, 57, 65–66, 67, 72, 75, 83
- Šwela Kito (* 21. II. 1836 w Zaspach pola Khoćebyza, † 26. I. 1922 w Khoćebyzu) 72
- Taszycki Witold (* 20. VI. 1898 w Zagórzach w Pólskej) 40, 68, 72, 90
- Tetmajer K. P. 53
- Tołstoj L. N. 52, 53, 56
- Tomek F. 56
- Trautmann R. 68
- Trstenjak Ante (* 29. XII. 1894 w Ljutomeru w Słowjeńskej w Jugoslawiji) 84, 85
- Třebízský W. 40, 50, 53
- Turgenjev I. S. 52, 53
- Urban Matej (* 13. VII. 1846 w Turjom, † 4. IV. 1931 w Khróstawje p. Šěrachowa) 48–49, 50
- Vasmer Max 72
- Vaux Phalipau de M. 85, 90
- Verlaine P. 49
- Vierset A. 89
- Vlahović M. 90
- Volf Józ. (* 7. II. 1878 w Příchowicach w Českej) 72
- Vrchlický Jar. 27, 49, 71
- Wallace E. 52
- Wałtaf Jan (* 2. I. 1860 w Drježdźanach, † 5. XII. 1921 w Njeswačidle) 49


- Wićaz Jurij (* 19. X. 1899
 w Špitale pola Kamjenca)
 12, 51, 52, 77
 Wićaz Ota (* 14. VI. 1874
 w Khwaćicach) 6, 14, 18, 42,
 49, 51, 53, 56, 58, 68–69, 73
 Wićaz Pawoł (* 14. I. 1901
 w Khróšćicach) 6, 32–33
 Wilde O., 52, 53, 55
 Winger Jurij (* 26. VI. 1872
 w Khróšćicach, † 27. II.
 1918 we Łusku p. Pomořc)
 39–40, 46, 52
 Witkojc Mina (* 28. V. 1893
 w Bórkowach w Delnjej
 Łužicy) 12, 16, 34–38, 44,
 47, 49, 53, 54, 56, 77, 83
 Wjacslawk Jakub (* 15. II.
 1885 w Hórkach p. Khróšć-
 ćic) 45, 55, 72, 74 18
 Wjela Jurij (* 4. III. 1902
 w Lubšicach p. Budyšina)
 13, 46
 Wohnjoš, hl. Nowak Měrcin
 44
 Wyrgač K. (* 17. X. 1883
 w Hornem Hunjowje) 51
 Zejleř Handrij (* 1. II. 1804
 we Słonej Boršći, † 15. X.
 1872 we Łazu) 8, 32, 49,
 70, 71, 81
 Zeyer Julius 49
 Zmeškal Włodź. (* 5. XI. 1902
 w Prazy) 8, 17, 72, 82, 84,
 90
 Žeromski St. 53

WOBRAZKI.

	Strona		Strona
<i>Příloha:</i>			
Serbski dom w Budyšinje.		Muka Arnošt	10
Bart Arnošt	12	Nawka Michał	50
Bjedrich-Radlubin Mikł.	30	Nowak-Horjanski Jakub	43
Bryl Jan	46	Nowak Józef	19
Bučar Wěkosław	80	Nowak Měrćin	89
Cyž-Hajničanski Jan	63	Nowy Wylem	58
Černý Adolf	11	Skala Jan	18
Domaška Romuald	39	Słodeńk Jurij	42
Domaškojc Marjana	26	Smoleř Marko	14
Herman Arnošt	59	Symank Jan	67
Kósyk Mato	31	Šajba Jakub	71
Kral Jurij	55	Šewčik Jakub	62
Krawc Bjarnat	82	Šěca Korla B.	81
Krječmař Mikławš	66	Šwela Bogumił	51
Krječmař Pawoł	22	Taszycki Witold	74
Kuba Ludwik	83	Trstenjak Ante	88
Kubašec Marja	35	Urban Matej	38
Lajnert Jan	23	Wićaz Jurij	77
Lénard Leopold	76	Wićaz Ota	54
Libš Jurij	15	Witkojc Mina	27
Lorenc-Zalěski Jakub	34	Wjacławk Jakub	75
		Wjela Jurij	47
		Zmeškal Włodziměr	70

W O B S A H

	Strona
Swětlemu wopomnjeću prof. <i>J. Bryla</i>	3
<i>Předstwo</i>	5
<i>Serbske kulturne žiwjenje do swětoweho přewróta</i>	7
<i>Serbske pismowstwo po swětowej wójnje:</i>	
1. Časopisy a zběrki	13
2. Serbske basnistwo	19
3. Serbska proza (powědańčka)	38
4. Serbske dźiwadlo	45
5. Přeložki	48
<i>Serbska wěda</i>	57
<i>Serbske wumjelstwo</i>	79
<i>Dosłowo</i>	86
<i>Zapis mjenow</i>	91
<i>Wobrazki</i>	97



Handwritten signature or mark.

